



序

新聲長短。祇寫閨情。豔體輕靡。惟陳宮怨。望秦樓之
夜月。遂托清詞。夢楚峽之朝雲。彌增麗句。艸薰花暖。
大都河陽淄右之離思。管急絃哀。強半狐塞鳳城之
別恨。指蕙心與統質。能令聽者移情。寫妍笑而工頰。
更使頑夫動魄。此雖文人善飾。自比楚騷。托興於美
人。然而識者有心。已悲風雅淪亡於曼曲。何況人之
生也。性本於五常。詞所肇焉。源由於四始。抑且世運
有興衰之異。因而時事有得失之殊。嘯歌天壤。物情



之感觸良多。俯仰古今。人意之悲歡難一。則所以播
之曲調。按厥宮商者。既隨事而可歌。亦因時而自起。
計其所感。爰有數端。有如良夜高堂。追歡命酒。觥籌
交錯。歌舞雜陳。香殘燭灺。賓欲去而還留。斗轉參斜。
曲既終而復奏。主與投簡。客醉分題。挹其文采。皆六
朝之剩錦。零香考厥音聲。半三楚之竹枝。水調。今宵
綺席乍驚。上客之賞音。明日旗亭。遍聽伶官之高倡。
又如南浦送君。東門祖道。乍朱輪之方動。徒御銜悲。
甫桂楫之輕搖。賓朋欲絕。離思百結。藉艷曲以稍摠。

別緒千端。倚新腔而漫寫。江淹賦恨。總供筆下之聲。
情。庾信言哀。驅作行間之涕淚。縱使渭城三疊。未足
比其魂銷。卽令易水一聲。何能喻其腸斷。可謂盡淒
涼之致。極婉轉之情者矣。若乃皇都結綬。紫塞從軍。
望故國之河山。暮雲黯淡。念鄉關之花草。春樹迷離。
處處啼鴉。吟殘客館。年年柳色。題遍郵亭。聽鷄鳴於
茆店。聲聲譜入么絃。踏霜跡於板橋。點點疊成促拍。
客中對此。居然莊舄之吟。行路聞之。共識鍾儀之調。
至若荒臺廢館。一片斜陽。剩水殘山。無邊秋色。關輔

則秦宮漢苑。行人指點依然。伊洛則宋寢唐陵。父老
畊犁莫辨。閒來憑弔。寫入新詞。看去蒼涼。填成絕調。
斲雀臺之瓦。硯作愁雲。採湘浦之篁。管流清淚。如聞
河蒲。秋風南內。心傷似奏淋鈴。夜雨行宮。腸斷亦有
纍臣塞北。遷客江南。望鄉國以無從。思故交而不見。
昔年親友。半作前塵。舊日游從。幾成往劫。拈來小令。
附江上之修鱗。製就新篇。繫天邊之弱羽。從此絃調
綠綺。如同酒畔論文。因之拍按紅牙。似共燈前聽雨。
更有先朝遺老。亡國孤臣。家邦則廟社漂零。身世則

妻孥淪落。村陵詩客。吞聲於新蒲細柳之間。陳代詞
流。銜感於竹樹池臺之側。遂移宮而換羽。亦減字而
偷聲。十行淡墨。倏然賀老檀槽。百幅柔牋。愴矣龜年
法曲。若夫嶺畔抽簪。林中散髮。五株柳下。旣松菊之
堪娛。三徑園中。復求羊之共侶。採山間之鳥哢。補作
樵歌。學江外之猿鳴。調成漁唱。入禪林而覓句。幾同
清梵。霏微入道院。以長吟。竟是游仙縹緲。斯亦詞家
之僅事。寧如曲度之柔情。至如風人以比物見志。騷
客亦連類言懷。鄭氏鷓鴣。一時絕唱。謝公蝴蝶。百代

流聲寫形狀而思入纖微。既類針神之巧。體性情而
辨窮毫末。還同織女之工。始知綿麗心情。直奪秦川
機上。方信婉孌筆墨。無殊蕪氏盤中。若斯之類。不可
殫陳。散在殘編。總是詞場錦繡。搜之故篋。無非藝苑
珠璣。傳樂府之遺。歌翻阿鵲。續梨園之唱。舞遍霓裳。
彈入琵琶。溢浦之青衫。堪濕。吹來笙笛。江潭之紅豆。
難聞。何必倡樓蕩婦之詞。乃爲香艷。別館瑤姬之曲。
始見溫柔也耶。是用雜採諸家。彙成一集。詞則清和
而淡雅。情則曲折而低徊。非無感激之篇。不比驚濤

而怒石。亦有柔靡之作。絕非寵柳以嬌花。周郎遇此。
必賞其雅音。子野聞之。定憐夫清唱。庶使梅溪白石。
與高山流水以俱傳。不令蘭畹金荃。隨酒館歌樓而
獨擅。

康熙戊辰上元日古村項以淳題

清嘯集目錄 上卷

憶王孫 二調

後庭花 二調

如夢令 一調

相見歡 一調

醉太平 二調

搗毬樂 一調

生查子 一調

點絳脣 八調

浣溪紗 五調

霜天曉角 三調

菩薩蠻 一調

訴衷情 一調

採桑子 一調

減字木蘭花 三調

好事近 二調

憶秦娥 二調

清平樂 十三調

甘草子 一調

燭影搖紅 一調

烏夜啼 三調

朝中措 一調

眼兒媚 一調

柳梢青 三調

太常引 一調

小闌干 一調

西江月 四調

鳳來朝 一調

少年遊 二調

南歌子 四調

浪淘沙 九調

江月晃重山 一調

戀繡衾 二調

夢江南 一調

鷓鴣天 九調

步蟾宮 一調

夜行船 一調

河傳 二調

玉樓春 四調

木蘭花令 一調

鵲橋仙 二調

虞美人 六調

南鄉子 一調

醉落魄 四調

杏花天 一調

踏莎行 四調

小重山 三調

臨江仙 三調

一剪梅 一調

蝶戀花 一調

唐多令 三調

定風波 一調

品令 一調

解佩令 一調

淡黃柳 二調

行香子 一調

青玉案 一調

江城子 三調

風入松 六調

祝英臺近 三調

金人捧露盤 一調

最高樓 一調

江城梅花引 三調

惜紅衣 二調

揆芳信 三調

法曲獻仙音 五調

意難忘 一調

露華 一調

玉漏遲 一調

淒涼犯 一調

清嘯集目錄 下卷

滿江紅 八調

徵招 一調

掃花遊 一調

天香 二調

漢宮春 一調

燭影搖紅 一調

長亭怨 一調

暗香 二調

倦尋芳 三調

醉蓬萊 一調

八聲甘州 六調

雙雙燕 一調

揚州慢 一調

聲聲慢 二調

玲瓏四犯 一調

夜合花 一調

陌上花 一調

三姝媚 一調

高陽臺 九調

絳都春 一調

渡江雲 一調

花犯 一調

念奴嬌 四調

湘月 一調

東風第一枝 二調

琵琶仙 一調

壺中天 一調

木蘭花慢 四調

憶舊遊 一調

齊天樂 十一調

瑞鶴仙 一調

水龍吟 四調

慶宮春 四調

宴清都 一調

湘春夜月 一調

氏州第一 一調

揆春慢 一調

喜遷鶯 二調

綺羅香 三調

南浦 二調

永遇樂 一調

一萼紅 三調

疎影 一調

擊梧桐 一調

女冠子 一調

八歸 一調

賀新郎 五調

摸魚兒 五調

蘭陵王 三調

多麗 一調

六州歌頭 一調

清嘯集

上卷

憶王孫

謝克家

依依宮柳拂宮牆。樓殿無人春晝長。燕子歸來依舊
忙。憶君王。月照黃昏人斷腸。

姚寬

粼粼楊柳綠初低。澹澹梨花開未齊。樓上情人聽馬



構李項以淳長孺氏選輯

受業成 瑄葭律氏叅訂

嘶憶郎歸。細雨春風溼酒旗。

後庭花

邵亨貞

銅壺更漏殘。紅妝春夢闌。江上花無語。天涯人未還。
倚樓閒。月明千里。隔江何處山。

刺船鸚鵡洲。題詩黃鶴樓。金谷銅駝夢。湘雲楚水愁。
少年遊。好懷依舊。故人還在不在。

如夢令

周紫芝

林外野塘烟膩。衣上落梅香細。瘦馬步凌兢。人在亂
山叢裡。憔悴憔悴。回望小樓千里。

相見歡

朱敦儒

金陵城上西樓。倚清秋。萬里夕陽垂地。大江流。中
原亂。簪纓散。幾時收。試倩悲風。吹淚過揚州。

醉太平

劉過

情高意真。肩長髯青。小樓明月調箏。寫春風數聲。

思君憶君。魂牽夢縈。翠消香爇。雲屏更那堪酒醒。
孫惟信

吹簫跨鸞。香消夜闌。杏花樓上春殘。繡羅衾半閒。
衣寬帶寬。千山萬山。斷腸十二闌干。更斜陽暮寒。

撾毬樂

李肩吾

風骨蕙紅雨。易晴。病花中酒過清明。綺牕幽夢亂於
柳羅袖淚痕凝。似飭冷地思量著。春色三停。早二停。
生查子

岳珂

芙蓉清夜遊。楊柳黃昏約。小院碧苔深。潤透雙鴛薄。
爇玉慣春嬌。簌簌花鈿落。缺月故窺人。影轉闌干
角。

點絳脣

葛勝仲

縣齋愁坐

秋晚寒齋。藜床香篆橫輕霧。閒愁幾許。夢逐芭蕉雨。
雲外哀鴻。似替幽人語。歸不去。亂山無數。斜日荒

城鼓

姜夔

吳淞江

燕鴈無心。太湖西畔隨雲去。數峯清苦。商畧黃昏雨。
第四橋邊。擬共天隨住。今何許。凭闌懷古。殘柳參
差舞。

周晉

訪牟存叟南漪釣隱

午夢初回。捲簾盡放春愁去。晝長無侶。自對黃鸝語。

絮影蘋香。春在無人處。移舟去。未成新句。一覩梨
花雨。

吳大有

送李琴泉

江上旗亭。送君還是逢君處。酒闌呼渡。雲壓沙鷗暮。
漠漠蕭蕭。香凍梨花雨。添愁緒。斷腸柔櫓。相逐寒
潮去。

邵亨貞

暮登新安鎮城樓二首

清嘯集
四
暮倚高樓太湖西畔青山近
鴈邊雲暝目力隨天盡
落日平蕪點點餘烽燼
西風緊亂沙成陣
故惱雙蓬鬢

荒艸寒烟幾年不到新安路
舊時行處流水迷官渡
萬里風埃掇送流年度
傷遲暮東馳西騫俛仰成
今古

秋夜橫泖旅牕聽雨有懷故園

兩鬢秋風掩關坐聽黃昏雨
燈前自語世亂甘清苦
蔓艸愁烟荒却東陵圃
歸期阻荆榛滿路投老知

何處

高照庵先生宋朝遺老也有長短句云夢遶
荆溪蟹肥村甕滿每誦之自可想見村落秋
淡景物近見吳埜舟誦而涵泳不已有當予
心故述卽景且期後約

極目平蕪渚寒烟暝秋波遠
鳧鷖散亂黯黯天涯晚
蟹壯萼香村甕家家滿
頻相見幽懷共展剪燭巴

山館

浣溪紗

蘓軾

遊蘄水清泉寺

山下蘭芽短浸溪。松間沙路淨無泥。瀟瀟暮雨子規啼。誰道人生難再少。君看流水尚能西。休將白髮唱黃鷄。
寺前木西流

張槃

習習輕風破海棠。鞦韆移影上迴廊。晝長蝴蝶爲誰忙。度柳早鶯分暖綠。過花小燕帶春香。蒲庭芳草又斜陽。

洪希文

丈室蕭條似病禪。打牕風雨罷吟箋。歸心一點落燈前。猶有十三樓上酒。可無三百杖頭錢。一年心老一年年。

邵亨貞

春感

西子湖頭三月天。半篙新漲柳如烟。十年不上斷橋船。百媚燕姬紅錦瑟。五花宛馬紫絲鞭。年年春色暗相牽。

丁酉早春試筆簡錢南金

亂後無情做好春。春光却又惱詩人。溪頭舉日黯傷神。楊柳官橋人迹絕。杏花歌館燒痕新。相期何處避兵塵。

霜天曉角

范成大

晚晴風歇。一夜寒威折。脈脈花疎天淡。雲來去。數枝雪。勝絕愁亦絕。此情誰共說。惟有兩行低雁。知人倚畫樓月。

劉子寰

橫陰漠漠。似覺羅衣薄。正是海棠時候。紗牕外。東風惡。惜春春寂寞。尋花花冷落。不會這些情味。元不。是念離索。

高觀國

春雲粉色。春水和烟溼。試問西湖楊柳。東風外。幾絲碧。望極連翠陌。蘭橈雙槳急。欲訪莫愁。何處旗亭。在畫橋側。

菩薩蠻

張孝祥

東風約畧吹羅幕。一簷細雨春陰薄。試把杏花看。溼紅嬌。暮寒。佳人雙玉枕。烘醉鴛鴦錦。折得最繁枝。爇香生翠幃。

訴衷情

鄭楷

酒旗搖曳柳花天。鶯語軟於綿。碎綠未盈芳沼，倒影蘸鞦韆。奩玉燕，套金蟬，負華年。試問歸期，是茶蘼後，是牡丹前。

採桑子

朱藻

障泥油壁人歸後。蒲院花陰。樓影沉沉。中有傷春一片心。閒穿綠樹尋梅子。斜日籠明。團扇風輕。一徑楊花不避人。

減字木蘭花

呂本中

去年今夜同醉月明花樹下。今夜江邊。月暗長堤柳暗船。故人何處帶我離愁江外去。來歲花前。還似

今年憶去年。

吳 儆

中秋獨與靜之飲

碧梧秋老。蒲地琅玕紛不掃。門掩黃昏。惟有年時月
照人。淒涼蒲眼。肯作六年燈火伴。莫說淒涼。來歲
如今又一方。

邵亨貞

吳江夜泊

江頭日暮。客子移舟迷去路。望斷天涯。燈火淡村賣

酒家。銅駝巷陌荒艸寒鴉。烟樹隔。往事無情。舊夢
依然到五陵。

好事近

張 輯

載酒岳陽樓。秋入洞庭淡碧。極目水天無際。正白蘋
風急。月明不見宿鷗驚。醉把玉欄拍。誰謂百年心
事。恰釣船橫笛。

韓元吉

汴京宴上源驛

凝碧舊池頭。一聽管絃淒切。多少梨園聲在。總不堪
華髮。杏花無處避春愁。也傍野花發。惟有御溝聲
斷。似知人嗚咽。

憶秦娥

范成大

樓陰缺。闌干影卧東廂月。東廂月。一天風露。杏花如
雪。隔烟催漏金虬咽。羅幃黯淡燈花結。燈花結。片
時春夢。江南天濶。

劉克莊

遊人絕。綠陰滿野芳菲歇。芳菲歇。養蠶天氣。採茶時
節。枝頭杜宇啼成血。陌頭楊柳吹成雪。吹成雪。淡
烟疎雨。江南三月。

清平樂

辛棄疾

獨宿博山王氏庵

遶床饑鼠。蝙蝠翻燈舞。屋上松風吹急雨。破紙牕間
自語。平生塞北江南。歸來華髮蒼顏。布被秋宵夢
覺。眼前萬里江山。

黃鸝機

江上九日

西風獵獵。又是登高節。一片情懷無處說。秋滿江頭。
紅葉。誰憐鬢影淒涼。新來更點吳霜。孤負萸囊菊
盞。年年客裏重陽。

盧祖皋

錦屏開曉。寒入宮羅峭。脈脈不知春又老。簾外舞紅
多少。舊時駐馬香塔。如今細雨蒼苔。殘夢不成重
理。一雙蝴蝶飛來。

柳邊深院。燕語明如剪。消息無憑聽又嬾。隔斷畫屏
雙扇。寶杯金縷紅牙。醉魂幾度兒家。何處一春游
蕩。夢中猶恨楊花。

高觀國

春燕雨溼。燕子低飛急。雲壓前山羣翠失。烟水蒲湖
輕碧。小蓮相見灣頭。輕寒不到青樓。請上琵琶絃
索。今朝破得春愁。

李肩吾

美人嬌小。鏡裏容顏好。秀色侵人春帳曉。郎去幾時

重到。叮嚀記取兒家。碧雲隱映紅霞。直下小橋流水門前。一樹桃花。

周晉

圖書一室。香爇垂簾密。花滿翠壺薰硯席。睡覺蒲牕晴日。手寒不了殘棋。篝香細看唐碑。無酒無詩情緒。欲梅欲雪天時。

李萊老

綠牕初曉。枕上聞啼鳥。不恨王孫歸不早。只恨天涯芳艸。錦書紅淚千行。一春無限思量。折得垂楊寄

與絲絲都是愁腸。

趙與仁

柳絲搖露。不結蘭舟住。人宿溪橋知那處。一夜風聲千樹。曉樓望斷天涯。過鴻影落寒沙。可惜些兒秋意。等閒過了黃花。

陳允平

鳳城春淺。寒壓花梢顫。有約不來梁上燕。十二繡簾空捲。去年共倚鞦韆。今年獨倚闌干。誤了海棠時候。不成直待花殘。

張炎

候蛩悽斷。人語西風岸。月落沙平江似練。望盡蘆花
無鴈。暗教愁損蘭成。可憐夜夜閒情。只有一枝梧
葉。不知多少秋聲。

元好問

憶鎮陽

悲歡聚散。世事天誰管。梳去梳來雙鬢短。鏡裏看看
雪滿。燕南十月霜寒。孤身去住都難。何日西窗燈
火。眼前兒女團圓。

邵亨貞

梨花

綠房淡窈。疎雨黃昏悄。門掩東風春又老。琪樹生香
縹緲。一枝晴雪初乾。幾回惆悵東闌。料得和雲入
夢。翠衾夜夜生寒。

甘草子

楊无咎

秋暮。永夜西樓。冷月明牕戶。夢破櫓聲中。憶在松江
路。敲枕試尋曾遊處。記歷歷風光堪數。誰與浮家

五湖去。儘醉眠秋雨。

燭影搖紅

毛滂

松牕午夢初覺

一畝清陰。半天小雨。松牕午。床頭秋色。小屏山。碧帳垂烟縷。枕畔風搖綠戶。喚人醒不教夢去。可憐恰
到瘦石寒泉。冷雲生處。

烏夜啼

盧祖皋

幾曲微風按柳。生香暖日蒸花。鴛鴦睡足方塘晚。新
綠小牕紗。尺素難將情緒。嫩羅還試年華。凭高無
處尋殘夢。春思入琵琶。

西湖

漾暖紋波颭颭。吹晴絲雨濛濛。輕衫短帽西湖路。花
氣撲青驄。鬪草褰衣濕翠。鞦韆瞥眼飛紅。日長不
放春醪困。立盡海棠風。

李肩吾

徑蘚痕沿碧甃。簷花影壓紅闌。今年春事渾無幾。游

治。嬾。情。慳。舊。夢。鶯。鶯。沁。水。新。愁。燕。燕。長。干。重。門。十
二。簾。休。卷。三。月。尚。春。寒。

朝中措

朱敦儒

當。年。挾。彈。五。陵。間。行。處。萬。人。看。雪。獵。星。飛。羽。箭。春。游
花。簇。雕。鞍。漂。零。到。此。天。涯。倦。客。海。上。蒼。顏。多。謝。江
南。蘓。小。樽。前。怪。我。青。衫。

眼兒媚

洪咨夔

平。沙。芳。草。渡。頭。村。綠。遍。去。年。痕。游。絲。上。下。流。鶯。來。往。
無。限。消。魂。綠。牕。淡。靜。人。歸。晚。金。鴨。水。沉。溫。海。棠。影
下。子。規。聲。裏。立。盡。黃。昏。

柳梢青

吳 琚

元日立春

綠。仗。鞭。春。椒。盤。迎。旦。斗。柄。回。寅。拂。面。東。風。雖。然。料。峭。
終。是。寒。輕。帶。花。折。柳。心。情。怎。捱。得。元。宵。放。燈。不。是
東。園。有。些。殘。雪。先。去。踏。青。

羅椅

萼綠華身小。桃花扇。安石榴裙。子野聞歌。周郎顧曲。曾惱夫君。悠悠羈旅愁人。似零落青天斷雲。何處銷魂。初三夜月。第四橋春。

張雨

擬白石

盼得春來。春寒春困。陡頓無聊。半別殘釭。片時春夢。過了元宵。空山暮暮朝朝。到此際無魂可消。却倚東風。水如衣帶。草似裙腰。

太常引

元好問

東原上。清宮同楊飛卿。夜話汝梁。舊游追懷。欽叔內翰。

十年流水共行雲。相見重情親。滄海內揚塵。便疑是前身後身。風臺月榭。舞裙歌扇。樂事幾回新。莫話洛陽春。更誰似金鑿故人。

小闌干

薩都刺

去年人在鳳凰池。銀燭夜彈絲。沉水香消，梨雲夢煖，
淡院繡簾垂。今年冷落江南夜，心事有誰知。楊柳
風柔，海棠月淡，獨自倚闌時。

西江月

張孝祥

丹陽湖

問訊湖邊春色。重來又是三年。東風吹我過湖船。楊
柳絲絲拂面。世路如今已慣。此心到處悠然。寒光
亭下水連天。飛起沙鷗一片。

周
密

延祥觀拒霜擬稼軒

綠綺紫絲步障。紅鸞彩鳳仙城。誰將三十六陂春。換
得兩堤秋錦。眼纈醉迷朱碧。筆花俊賞丹青。斜陽
展盡趙昌屏。羞死舞鸞妝鏡。

王沂孫

爲趙元父賦雪梅圖

褪粉輕盈瓊靨。護香重疊冰消。數枝誰帶玉痕描。夜
夜東風不掃。溪上橫斜影淡。夢中落莫魂消。峭寒

未肯放春嬌。素被獨眠清曉。

邵亨貞

酒闌與南金徜徉村巷各信意小述

故舊今成二老。歡遊長記當時。山中吟屐夢中詩。多
少晉人風致。但得諸郎俊拔。不嫌吾輩衰遲。殘年
飽飯話心期。如此差強人意。

鳳來朝

邵亨貞

擬清真汴堤送別

駐馬隋堤路。怨凌波背人喚渡。正琵琶撥到傷情處。
又底事便輕去。日照啼紅無數。酒杯乾再三細語。
轉首又天涯暮。怎約得畫橈住。

少年遊

高觀國

詠草

春風吹碧。春雲映綠。夢曉入芳茵。軟襯飛花。遠連流
水。一望隔香塵。萋萋多少。江南舊恨。翻憶翠羅裙。
冷落閒門。淒迷古道。烟雨正愁人。

周密

宮詞擬小山 此調又一體

簾銷寶篆卷宮羅。蜂蝶撲飛梭。一樣春風，燕梁鶯戶，那處春多。
曉妝日日隨香輦，多在牡丹坡。花淡淡，處。柳陰陰處。一片笙歌。

南歌子

李昉

嫋嫋秋風起。蕭蕭敗葉聲。岳陽樓上聽哀箏。樓下淒涼江月，爲誰明。
霧雨沉雲夢，烟波渺洞庭。可憐無

處問湘靈。只有無情江水，遶孤城。

楊適

送向伯恭

怨草迷南浦。愁花傍短亭。有情歌酒莫催行。看取無情花草也關情。
舊日臨歧曲，而今忍淚聽。淮山何在暮雲平。待倩春風吹夢過江城。

呂本中

驛路侵斜月。溪橋度曉霜。短籬殘菊一枝黃。正是亂山深處，過重陽。
旅枕原無夢，寒更每自長。只言江

左好風光。不道中原歸思轉淒涼。

楊无咎

次東坡端午韻

此調多二字

小雨疎疎過。長江滾滾流。落霞殘照晚明樓。又是一番重午。身寄南州。羅綺紛香陌。魚龍漾彩舟。不堪回首鳳池頭。誰道於今霜鬢猶是淹留。

浪淘沙

李洪

櫻桃

上苑又春殘。櫻顆如丹。明光宮裏水晶盤。想得退朝花底散。宣賜千官。往事記金鑿。荔子難攀。多情更有蔗漿寒。蜀客筠籠相贈處。愁憶長安。

吳琚

雲葉弄輕陰。屋角鳩鳴。青梅著子欲生仁。冷落江天寒食雨。花事關情。池館晝盈盈。人耐寒輕。一川芳草只銷凝。時有入簾新燕子。明日清明。

岸柳可藏鴉。路轉溪斜。忘機鷗鷺立汀沙。咫尺鍾山迷望眼。一半雲遮。臨水整烏紗。兩鬢蒼華。故鄉心

事在天涯。幾日不來春便老。開盡桃花。

謝懋

黃道雨初乾。霽靄空蟠。東風楊柳碧粼粼。燕子不歸
花有恨。小院春寒。倦客亦何堪。塵滿征衫。明朝野
水幾重山。歸夢已隨芳草綠。先到江南。

鄧剡

疎雨洗天清。枕簟涼生。井梧一葉做秋聲。誰念客身
輕似葉。千里飄零。夢斷古臺城。月澹潮平。便須攜
酒訪新亭。不見當時王謝宅。烟草青青。

吳文英

燈火雨中船。客思綿綿。離亭春草又秋烟。似與輕鷗
盟未了。來去年年。往事一潸然。莫過西園。凌波香
斷綠苔錢。燕子不知春事改。時立鞦韆。

尚希尹

結客去登樓。誰繫蘭舟。半篙清漲雨初收。把酒畱春
春不任。柳暗江頭。老去怕閒愁。莫莫休休。晚來風
惡下簾鉤。試問落花隨水去。還解西流。

邵亨貞

擬遺山浙江秋興

紅葉滿青山。掩映溪灣。柴門鷄犬白雲間。江上草堂
塵不到。老子心閒。霜後橘爛斑。籬菊香殘。夕陽回
首一憑闌。世事悠悠吾老矣。且放杯乾。

錢南金疾作代東問訊

秋意滿平蕪。夢遶蓴鱸。一江烟水馬來初。昨夜西風
吹杜若。渺渺愁余。人隔楚天隅。相望躊躇。想應多
病故人疎。門巷淒涼誰買賦。瘦也相如。

江月晃重山

邵亨貞

辛丑上元前一夕積雪試晴頓有春意小溪
之上有張燈於琳館者慨然感興以此寫之

梅萼香融霽雪。簷牙暖溜懸冰。出林幽鳥動春聲。元
宵近。愁裏夢還驚。村巷依然素月。寒牕只是青燈。
難尋遺老問承平。南朝事。千古獨傷情。

戀繡衾

邵亨貞

辛丑元日

門前爆竹兒女喧。野人家時序尚然。盡說道春來好。
老來人。長怕換年。東風到底無崖岸。也殷勤相過
小園。第一是朱顏改。縱花開。羞插鬢邊。

曹幼文以庚午歲大初老禪泊雲西居竹二
翁燈夕所賦舊稿見示求余追和屈指三十
餘年三老仙去久矣今昔之感不能已於言
也至正辛丑上元日

重逢元夜心暗驚。憶當年諸老放情。對芳景張燈火。
畫堂淡。簫鼓到明。烏衣巷口東風在。甚而今春草

亂生。試檢點繁華夢。有梅花曾見太平。

夢江南

王琪

江南岸。雲樹半晴陰。帆去帆來天亦老。潮生潮落日
空沉。南北別離心。興廢事。千古一沾襟。山下孤烟
漁市遠。柳邊疎雨酒家深。行客莫登臨。

鷓鴣天

姜夔

元夕不出

憶昨天街預賞時。柳慳梅小未教知。而今正是歡遊
夕。却怕春寒自掩扉。簾寂寂。月低低。舊情惟有絳
都詞。芙蓉影暗三更後。卧聽隣娃笑語歸。

盧祖皋

庭綠初圓結蔭濃。香溝收拾樹梢紅。池塘少歇鳴蛙
雨。簾幕輕迴舞燕風。春又老。笑誰同。澹烟斜日小
樓東。相思一曲臨風笛。吹過雲山第幾重。

蔡 栲

病酒恹恹與睡宜。珠簾羅幙卷銀泥。風來綠樹花含
笑。恨入西樓月斂眉。驚瘦盡。怨歸遲。休將桐葉更
題詩。不知橋下無情水。流到天涯是幾時。

李肩吾

綠色吳箋覆古苔。濡毫重擬賦幽懷。杏花簾外鶯將
老。楊柳樓前燕不來。倚玉枕。墜瑤釵。午牕輕夢遶
秦淮。玉鞭何處貪遊冶。尋遍春風十二街。

許 棐

翠鳳金鸞繡欲成。沉香亭下款新晴。綠隨楊柳陰邊
去。紅踏桃花片上行。鶯意緒。蝶心情。一時分付小

銀箏歸來欲醉花柔困。月瀟瀟紗約半更。

周密

清明二首

燕子時時度翠簾。柳寒猶未透香綿。落花門巷家家雨。新火樓臺處處烟。情脈脈。恨恹恹。東風吹動畫鞦韆。刺桐開盡聲聲鳥。無奈春風只醉眠。相傍清明晴更怪。閉門空自惜花殘。海棠半坼難禁雨。燕子初歸不耐寒。金鴨冷。錦鴛閒。銀缸空照小屏山。翠羅袖薄東風悄。獨倚西樓第幾闌。

吳文英

迷蝶無蹤曉夢沉。寒香淡。閉小庭心。欲知湖上春多少。但看樓前柳淺深。愁自遣。酒孤斟。一簾芳景燕同吟。杏花宜帶斜陽看。幾陣東風晚又陰。

陳允平

錦幄沉沉寶篆殘。惜春無語倚闌干。庭前芳艸空惆悵。簾外飛花自往還。金屋靜。玉簫閒。一樽芳酒駐紅顏。東風落盡茶蘼雪。滿地清香夜不寒。

步蟾宮

鍾過

東風又送茶蘼信。早吹得愁成潘鬢。花間猶似十年前。人不似十年前俊。水邊珠翠香成陣。也消得燕窺鶯認。歸來沉醉月朦朧。覺花氣滿襟猶潤。

夜行船

史達祖

正月十八日聞賣杏花有感

不剪春衫愁意態。過收燈有些寒在。小雨空簾無人。淡巷已早杏花先賣。白髮潘郎寬沈帶。怕看山憶

他眉黛。草色拖裙。烟光染鬢。長記故園挑菜。

木河傳

邵亨貞

擬花間春日宮詞

春殿簾捲。鬱金香遠。午漏沉沉。柳陰樓前。怨紅何處尋。沉吟玉溝流水淡。睡起長門。催侍宴。情正倦。強把鏡奩展。露柔荑。添黛眉。步移君王猶訝遲。

女念刺戊戌歲暮吳中客樓夜思

樓迥人靜。雨搖燈影。夢遶天涯。路賒水邊。小梅開幾

花人家酒旗何處斜。客路冰霜驚歲晚。情緒嬾長。
是念踈散。小溪濱。猶有春。故人幾時相見頻。

玉樓春

史達祖

梨花

玉容寂寞誰爲主。寒食心情愁幾許。前身清淡似梅。
妝。遙夜依微留月住。昏迷蝴蝶飛時路。雪在鞦韆
來往處。黃昏著了素衣裳。淡閉重門聽夜雨。

周端臣

華堂簾幙飄香霧。一搦楚腰輕束素。翩躚舞態燕還
驚。綽約妝容花盡妒。樽前漫詠高唐賦。巫峽雲深
留不住。重來花畔倚闌干。愁滿闌干無倚處。

劉鎮

東山揆梅

泠泠水向橋東去。漠漠雲歸溪上任。疎風淡月有來
時。流水行雲無覓處。佳人獨立相思苦。薄袖欺寒
修竹暮。白頭空負雪邊春。著意問春春不語。

樓采

上卷

東風破曉寒成陣。曲鎖沉香簧語嫩。鳳釵敲枕玉聲圓。羅袖拂屏金縷褪。雲頭鴈影占來信。歌底眉尖紫淺暈。淡烟疎柳一簾春。細雨遙山千疊恨。

木蘭花令

蕓庠

江雲疊疊遮鴛浦。江水無情流薄暮。歸帆初落葦邊風。客夢不禁篷背雨。渚花不解留人住。只作淡愁無盡處。白沙烟樹有無中。鴈落滄洲何處所。

鵲橋仙

滕賓

斜陽一抹青山數點。萬里澄江如練。東風吹落櫓聲遙。又喚起寒雲片片。殘鴉古渡。荒鷄村店。漸覺樓頭人遠。桃花流水小橋東。是那個柴門半掩。

邵亨貞

擬稼軒中原懷古

殘陽隴樹寒烟塞。戲馬臺前秋老。黃河日日水東流。斷送却英雄多少。西秦笳鼓。東山寄傲。萬事付之一笑。閒來繫馬讀殘碑。又目斷江南飛鳥。

虞美人

陳與義

祖席醉中

張帆欲去仍搔首。更醉君家酒。吟詩日日待春風。及至桃花開後。却匆匆。歌聲頻爲行人咽。記著樽前雪。明朝酒醒大江流。滿載一船離恨。向衡州。

蔣捷

聽雨

少年聽雨歌樓上。紅燭昏羅帳。壯年聽雨客舟中。江

濶雲低斷鴈。叫西風。而今聽雨僧廬下。鬢已星星也。悲歡離合總無情。一任階前點滴。到天明。

羅志仁

淨慈尼

君王曾惜如花面。往事多恩怨。霓裳和淚換袈裟。又送鑾輿北去。聽琵琶。當年未削青螺髻。知是歸期未。天花丈室萬緣空。結綺臨春何處。淚痕中。

邵亨貞

謝張芳遠惠杏花

閉門日日聽風雨。不道春如許。老來猶是愛看花。及至看花雙眼。被愁遮。杏花不改胭脂面。愁裡驚相見。花枝猶可慰愁人。只是鬢鬢短髻。不禁春。

壬子元夕卽景二調

客牕淡閉逢三五。不恨無歌舞。天時人事總悽然。只有隔牕明月。似當年。老夫分外情懷惡。無意尋行樂。眼前觸景是愁端。畱得歲寒生計。在蒲團。

無情世事催人老。不覺風光好。江南無處不蕭條。何處笙歌燈火。做元宵。承平父老頭顱改。就裡襟懷

在。相逢不忍更論心。只向路傍握手。共沉吟。

南鄉子

孫惟信

璧月小紅樓。聽得吹簫憶舊遊。霜冷闌干天似水。揚州。薄倖聲名總是愁。塵暗鷓鴣裘。裁剪曾勞玉指柔。一夢覺來三十載。風流。空對梅花白了頭。

醉落魄

范成大

棲鳥飛絕。絳河綠霧星明滅。燒香曳簟眠清樾。花影

吹笙。滿地淡黃月。好風碎竹聲如雪。昭華三弄臨
風咽。鬢絲撩亂綸巾折。涼滿北牕。休共軟紅說。

周密

洪魯仲之江西書以爲別

寒侵徑葉。鴈風擊碎珊瑚屑。硯涼閒試霜晴帖。頌橘
騷蘭。秋事正奇絕。故人又作江西別。書樓虛度中
秋節。碧闌倚遍誰人說。愁是新愁。月是舊時月。

擬二隱

餘寒正怯。金釵影卸東風揭。舞衣絲損愁千褶。一縷

楊絲。猶是去年折。臨牕擁髻愁誰說。花庭一寸胭
脂雪。春花似舊。心情別。待摘玫瑰。飛下粉黃蝶。

王沂孫

小牕銀燭。輕鬟半擁釵橫玉。數聲春調清真曲。拂拂
珠簾。殘影亂紅撲。垂楊學畫蛾眉綠。年年芳艸迷
金谷。如今休把佳期卜。一掬春情。斜月杏花屋。

杏花天

邵亨貞

擬白石垂虹夜泊

月明消却娃宮酒。聽吹笛輕寒滿袖。向時雙漿載離愁。去後幾春風。待問柳。漫回首三江渡口。念西子如今在否。上方鐘動客船開。別久寄新詩。典未有。

踏莎行

洪邁

院落深沉。池塘寂靜。簾鈎捲上梨花影。寶箏拈得鴈難尋。篆香消盡山空冷。釵鳳斜欹。鬢蟬不整。殘紅立褪。慵看鏡。杜鵑啼月一聲聲。等閒又是三春盡。

周密

與莫兩山談邗城舊事

遠艸情鍾。孤花韻勝。一樓聳翠生秋暝。十年二十四橋春。轉頭明月簫聲冷。賦藥才高。題瓊語俊。蒸香壓酒芙蓉頂。景留人去怕思量。桂牕風露秋眠醒。

王沂孫

題艸牕詞卷

白石飛仙。紫霞悽調。斷歌人聽知音少。幾番幽夢欲回時。舊家池館生青艸。風月交遊。山川懷抱。憑誰說與春知道。空留離恨滿江南。相思一夜蘋花老。

李彭老

題艸牕十擬後

紫曲迷春綠。牕夢月。芳心如對春風說。蠻箋象管寫
新聲。幾番曾試瓊壺缺。庾信書愁。江淹賦別。桃花
紅雨梨花雪。周郎先自足風流。何須更擬秦笙咽。

小重山

章良能

柳暗花明春事淡。小欄紅芍藥。已抽簪。雨餘風軟碎
鳴禽。遲遲日。猶帶一分陰。把酒莫沉吟。身閒無個

事。且登臨。舊遊何處不堪尋。無尋處。惟有少年心。

李萊老

畫簷簪柳碧如城。一簾風雨裡。過清明。吹簫門巷冷
無聲。梨花月。今夜負中庭。遠岫斂修曠。春愁吟入
譜。付鶯鶯。紅塵沒馬翠埋輪。西冷曲。歡夢絮飄零。

邵亨貞

擬梅溪樽前贈妓

綠髻低低壓翠鈿。雙眉彎似月。鬪嬋娟。夜涼和袖拂
冰絃。嬌無奈。何況酒樽前。歌罷意悠然。一聲新鴈

過暗愁牽。明朝江上水連天。凌波步。萬一故人憐。

臨江仙

陳克

四海十年兵不解。塵直到江城。歲華消盡客心驚。
疎髯渾似雪。衰涕欲生冰。送老羶鹽何處是。我緣
應在吳興。故人相望若爲情。別愁淡夜雨。孤影小牕
燈。

史達祖

草脚青回細膩。柳梢綠轉苗條。舊遊重到合魂消。棹
橫春水渡。人凭赤欄橋。歸夢有時曾見。新愁未肯
相饒。酒香紅被夜迢迢。莫教無用月。來照可憐宵。

趙長卿

過盡征鴻來盡鴈。故園消息茫然。一春憔悴有誰憐。
思家寒食夜。中酒落花天。見說江頭春浪渺。殷勤
欲送歸船。別來此處最繁牽。短篷南浦雨。疎柳斷橋
烟。

一剪梅

劉仙倫

唱到陽關第四聲。香帶輕分。羅帶輕分。杏花時節雨
紛紛。山遶孤村。水遶孤村。更沒心情共酒樽。春衫
香滿。空有啼痕。一般離思兩消魂。馬上黃昏。樓上黃
昏。

蝶戀花

邵亨貞

擬雪堂夜宿西掖

蓮燭烟消淡院裡。玉宇瓊樓。夜色明如洗。月到紫薇
花樹底。闌干露重無人倚。金鑰無聲門不啟。華髮

蕭蕭。尙擁青綾被。聽盡樓頭更漏水。一聲唱曉雞人
起。

唐多令

張林

金勒控花驄。故山雲霧中。翠蘋洲先有西風。可惜嫩
涼時。枕簟都付與舊山翁。雙翠合眉峯。淚華分臉
紅。向樽前何太匆匆。纔是別離情便苦。都莫問。淡和
濃。

鄧剡

雨過水明霞。潮回岸帶沙。葉聲寒飛透。牕紗。懊恨西風吹世換。又吹我。落天涯。寂寞古豪華。烏衣又日斜。說與亡燕入誰家。只有南來無數鴈。和明月。宿蘆花。

邵亨貞

擬龍洲錢塘曉渡

晨色動征衣。疎鐘隔翠微。小蓬萊烟樹高低。潮去潮來吳越恨。江上月。故依依。人老昔遊非。愁多春夢稀。舊相思重見無期。蘓小門前楊柳樹。應折斷。最高枝。

枝

定風波

李泳

點點行人趁落暉。搖搖烟艇出漁扉。一路水香流不絕。零亂春潮綠。浸野薔薇。南去北來愁幾許。登臨懷古欲沾衣。試問越王歌舞地。佳麗只今惟有鷓鴣啼。

品令

周紫芝

九日上西巖絕頂

霜蓬零亂。笑綠鬢光陰晚。紫萸時節。小樓長醉。一川平遠。休說龍山佳會。此情不淺。黃花香滿。記白苧吳歌軟。如今却向亂山叢裡。一枝重看。對著西風搔首。爲誰腸斷。

解佩令

蔣捷

春晴也好。春陰也好。著些兒春雨。越好。春雨如絲。繡出花枝紅裊。怎禁他孟婆合皂。梅花風悄。杏花風

小。海棠風。驀地寒峭。歲歲春光。被二十四風吹老。棟花風。爾須漫到。

淡黃柳

姜夔

客合肥

空城曉角。吹入垂楊陌。馬上單衣寒惻惻。看盡鵝黃嫩綠。都是江南舊相識。正岑寂。明朝又寒食。強攜酒。小橋宅。怕梨花落盡。成秋苑。燕燕飛來。問春何在。惟有池塘自碧。

王沂孫

甲戌冬別周公謹丈於孤山中次冬公謹遊
會稽相會一月又次冬公謹自剡還執手

且復別去悵然於懷敬賦此解

花邊短笛初結孤山約。雨悄風輕寒漠漠。翠鏡秦鬟
釵別。同折幽芳怨搖落。素裳薄。重拈舊紅萼。歎攜
手轉離索。料青禽一夢春無幾。後夜相思素蟾低照。
誰掃花陰共酌。

行香子

蔣捷

舟宿蘭灣

紅了櫻桃綠了芭蕉。送春歸客尙蓬飄。昨宵穀水。今
夜蘭皋。奈雲溶溶。風淡淡。雨蕭蕭。銀字笙調。心字
香燒。料芳蹤乍整。還凋待將春恨。都付春潮。過窈娘
堤。秋娘渡。秦娘橋。

青玉案

黃公紹

年年社日停針線。爭忍見雙飛燕。今日江城春已半。

一身猶在亂山深處。寂寞溪橋畔。征衫著破誰針。
線點點行行淚痕。蒲落日解鞍芳艸岸。花無人戴酒
無人勸。醉也無人管。

江城子

盧祖皋

画樓簾幙捲新晴。掩銀屏。曉寒輕。墜粉飄香。日日喚
愁生。暗數十年湖上路。能幾度。著娉婷。年華空自
感漂零。擁春醒。對誰醒。天濶雲閒。無處覓簫聲。載酒
買花年少事。渾不似。舊心情。

劉仙倫

東風吹夢落巫山。整雲鬟。却霜紈。雪貌冰膚。曾共控
雙鸞。吹罷玉簫香霧溼。殘月墜。亂峯寒。解瑤回首
憶前歡。見無緣。恨無端。憔悴蕭郎。贏得帶圍寬。紅葉
不傳天上信。空流水。到人間。

曹良史

夜香燒了夜寒生。掩銀屏。理銀箏。一曲春風。都是斷
腸聲。杜宇欲啼楊柳外。愁似海。思如雲。背燈暗卸
乳鵝裙。酒初醒。夢初醒。蘭炷香篝。誰爲煖羅衾。二十

四簾人悄悄。花影碎。月痕淡。

風入松

謝懋

老來常憶少年狂。宿粉棲香。自憐獨得東君意。有三
年窺宋東牆。笑舞落花紅影。醉眠芳艸斜陽。事隨
春夢去。悠揚。休去思量。近來眼底無姚魏。有誰更管
領年芳。換得河陽衰鬢。一簾烟雨梅黃。

李肩吾

冬至

霜風連夜做冬晴。曉日千門。香葭暖透黃鐘管。正玉
臺彩筆書雲。竹外南枝意早。數花開對清樽。香閨
女伴笑輕盈。倦繡停針。花磚一線添紅影。看從今迤
邐新春。寒食相逢何處。百單五個黃昏。

利登

斷蕪幽樹際烟平。山外更山青。天南海北知何極。年
年是匹馬孤征。看盡好花結子。暗驚新笋成林。歲
華情事苦相尋。弱雪鬢毛侵。十千斗酒悠悠醉。斜河
界白月雲心。孤鶴盡邊天濶。清猿啼處山深。

張翥

廣陵元夜病中有感

東風巷陌暮寒驕。燈火鬧河橋。勝遊憶遍錢塘夜，青鸞遠信斷難招。蕙草情隨雪盡，梨花夢與雲消。客懷先自病無聊。綠酒負金蕉。下帷獨擁香篝睡，春城外玉漏聲遙。可惜滿街明月，更無人爲吹簫。

邵亨貞

南金寓樵李余客海隅寄此叙澗

十年心事暗相牽。收拾此燈前。向來行樂匆匆過，到如今想像依然。踏月幾番隣巷，看花長共吟船。故人一別阻斜川。曾記遠遊篇。新來我亦長爲客，把故園分付寒烟。縱使此回相見，好懷不似當年。

白仁甫集中木蘭花慢結句云二十四橋明

月玉人何處吹簫一峯黃先生每歎賞之一

日作清平樂贈一道人末云未試囊中餐玉明朝且入藍田以爲得意時舉以似人仍索

余試作時陸彥文夏士賢諸君子正有出郭行春之約乃綴此以復命且訂其盟先生對

客擊節不已

當年曾過宋東隣。汗漫踏芳塵。如今記得歡遊處。畫
橋橫綠水粼粼。借問酒家何處。牧童遙指花村。近
來樂事底因循。春又過三分。百年能幾開懷抱。遶天
涯芳艸消魂。但願有錢留客也。勝騎馬人門。

祝英臺近

張輯

竹間棋。池上字。風日共清美。誰道春淡。湘綠漲沙觜。
更添楊柳無情。恨烟顰雨。却不把扁舟偷繫。去千

里。明日知幾重山。後朝幾重水。對酒相思。爭似且留
醉。奈何琴劍匆匆。而今心事。在月夜杜鵑聲裏。

吳文英

春日客龜溪游廢園

採幽香。巡古苑。竹冷翠微路。鬪艸溪根。沙印小蓮步。
自憐兩鬢清霜。一年寒食。又身在雲山深處。晝閒
度。因甚天也慳春。輕陰便成雨。綠暗長亭。歸夢趁風
絮。有情花影闌干。鶯聲門徑。解留我霎時凝竚。

楊恢

宿醒蘓春夢醒。沉水冷金鴨。落盡桃花無人掃。紅雪
漸催煮酒園林。單衣庭院。春又到。斷腸時節。恨離
別。長憶人立茶蘼。珠簾捲香月。幾度黃昏。瓊枝爲誰
折。都將千里芳心。十年幽夢。分付與一聲啼鴂。

金人捧露盤

羅志仁

錢塘懷古

溼苔青。妖血碧。壞垣紅。怕精靈來往相逢。荒烟瓦礫
寶釵零亂。隱鸞龍。吳峰越巘。翠輦鎖。若爲誰容。浮

屠換。昭陽殿。僧磬改。景陽鐘。興亡事。淚老金銅。驪山
廢盡。更無宮女說玄宗。海濤落月。角聲起。滿眼秋風。
最高樓

司馬昂父

花信緊。二十四番愁。風雨五更頭。侵階苔蘚。迴羅襪。
逗衣梅潤。試香篝。綠牕閒。人夢覺。鳥聲幽。按秦箏。
學弄相思調。寫幽情。恨殺知音少。向何處說風流。一
絲楊柳。千絲恨。三分春色。二分休。落花時。流水裏。兩
悠悠。

江城梅花引

蔣捷

荆溪阻雪

白鷗問我泊孤舟。是身留。是心留。心若留時。何事鎖
眉頭。風拍小簾燈暈舞。對閒影。冷清清。憶舊遊。舊
遊舊遊。今在否。花外樓。柳下舟。夢也夢也。夢不到。溪
水空流。漠漠寒雲。溼透木棉裘。都道無人愁似我。今
夜雪。有梅花。似我愁。

邵亨貞

已卯除夕

燈前兒女小團樂。歲將闌。夜將殘。一度逢春。一度減
朱顏。明日東風三十二。又添得。一毛侵。鬢底斑。世
間世間。行路難。身世閒。天地寬。往事。往事。恨未了。長
恨。儒冠。爆竹聲中。春又到。柴關。一任黃塵。門外擾。且
留取。舊梅花。獨自看。

陸壺天。錢素庵。二老相會。皆有感懷承平故
家之作。索余次韻。而不及當。作者蓋俯念

艸木之也。

五陵春色舊曾遊。翠娥謳錦纏頭。落花開。不信有
并州。淺碧障泥紅叱撥。柳橋外。滿東風。無點愁。近
來近來雙鬢秋。心漸收。情尚留。底事底事。遠如許。身
世沉浮。何況年華。長向鏡中羞。纔見那時簾外月。便
想起。醉吹簫。罨畫樓。

惜紅衣

姜夔

枕簟邀涼。琴書換日。睡餘無力。細酒冰泉。并刀破甘
碧。墻頭喚酒。誰問訊。城南詩客。岑寂。高樹晚蟬。說西
風消息。虹梁水陌。魚浪吹香。紅衣半狼籍。維舟試
望。故國渺天北。可惜洛邊沙外。不共美人游歷。問甚
時同賦。三十六陵秋色。

李萊老

寄弁陽翁

笛送西冷。帆過杜曲。晝陰芳綠。門巷清風。還尋故人
書屋。蒼華髮冷笑。瘦影相看如竹。幽谷烟樹曉。鶯訴
經年愁獨。殘陽古木。書畫歸船。匆匆又南北。蘋洲
鷗鷺。素熟舊盟續。甚日浩歌招隱。聽雨弁陽同宿。料

重來時候。香蕩幾灣紅玉。前段第五句多一字
揆芳信

周密

西泠春感

步晴晝。向水院維舟。津亭喚酒。歎劉郎重到。依依漫
懷舊。東風空結丁香怨。花與人俱瘦。甚淒涼。暗艸沿
池。冷苔侵甃。橋外晚風驟。正香雪隨波。淺烟迷岫。
廢苑塵梁。如今燕來否。翠雲零落空堤冷。往事休回
首。最銷魂。一片斜陽戀柳。

張炎

次周草窗韻

坐清晝。正冶思縈花。餘醒倦酒。甚揆芳人老。芳心尙
如舊。銷魂忍說銅駝事。不是因春瘦。向西園竹掃頽
垣。蔓羅荒甃。風雨夜來驟。歎歌冷鶯簾。恨凝蛾岫。
愁到今年。都似去年否。賦情嬾聽山陽笛。目極空搔
首。我何堪。老却江潭漢柳。

李彭老

湖上春遊次周草窗韻

對芳晝。甚怕冷添衣。傷春疎酒。正緋桃如火。相看豔
依舊。閒簾淡掩。梨花雨。誰問東陽瘦。幾多時。漲綠鶯
枝。墮紅鴛甃。堤上寶鞍驟。記草色薰晴。波光搖岫。
蘇小門前。題字尙存否。繁華短夢隨流水。空有詩千
首。更休言。張緒風流似柳。

法曲獻仙音

姜夔

張彥遠官舍

虛閣籠寒。小簾通月。暮色偏憐高處。樹隔離宮。水平

馳道。湖山盡入樽俎。奈楚客淹留久。砧聲帶愁去。
屢回顧。過秋風未成歸計。誰念我重見冷楓紅舞。喚
起淡妝人。問逋仙今在何許。象筆鸞箋。甚而今不道
秀句。怕平生幽恨。化作沙邊烟雨。

張炎

聽琵琶有懷昔遊

雲隱山暉。樹分溪影。未放妝樓簾卷。篝密籠香。鏡圓
窺粉。花淡自然寒淺。正人在銀屏底。琵琶半遮面。
語聲軟。且休彈玉關愁怨。怕喚起西湖。那時春感。楊

柳古灣頭記小憐。隔水曾見。聽到無聲。漫贏得情緒
難剪。把一襟心事。散入落梅千點。

周密

弔雪香亭梅

松雪飄寒。嶺雲吹凍。紅破數椒春淺。襯舞臺荒。浣妝
池冷。淒涼市朝輕換。歎花與人凋謝。依依歲華晚。
共悽黯。問東風幾番吹夢。應慣識當年翠屏金輦。一
片古今愁。但廢綠平烟空遠。無語銷魂。對斜陽衰艸
淚滿。又西泠殘笛。低送數聲春怨。

王沂孫

聚景亭梅次草窗韻

層綠峨峨。纖瓊皎皎。倒壓波痕清淺。過眼年華。動人
幽意。相逢幾番春換。記喚酒尋芳處。盈盈褪妝晚。
已銷黯。况淒涼近來離思。應忘却明月夜。淡歸輦。在
萼一枝春。恨東風人似天遠。縱有殘花。酒征衣鉛淚
都滿。但殷勤折取。自遣一襟幽怨。

李彭老

官圃賦梅次草窗韻

雲木槎枒。水萍搖落。瘦影半臨清淺。翠羽迷空。粉容
羞曉。年華在絃頻換。甚何遜風流在。相逢共寒晚。
總依黯。念當時看花遊冶。曾錦纜移舟。寶箏隨輦。池
苑鎖荒涼。嗟事逐鴻飛天遠。香徑無人。任蒼蘚黃塵
自滿。聽鴉啼春寂。暗雨蕭蕭吹怨。

意難忘

范晞文

清淚如鉛。歎咸陽送遠。露冷銅仙。巖花紛墮雪。津柳
暗生烟。寒食後。暮江邊。草色更芊芊。四十年。畱春意

緒不似今年。山陰欲掉歸船。暫停杯。雨外舞劍燈
前。相逢應未卜。此別轉堪憐。憑急管。倩繁絃。思苦調
難傳。望故鄉。都將往事付與啼鵲。

露華

王沂孫

碧桃

紺葩乍坼。笑爛熳嬌紅。不是春色。換了素妝。重把青
螺輕拂。舊歌共渡烟江。却占玉奴標格。風霜峭。羅臺
種時。付與仙骨。閒門晝掩。悽惻似淡月梨花。重化

清魄尙帶唾痕。香凝怎忍攀摘。嫩綠漸暖溪陰。簌簌粉雲飛出。芳艷冷。劉郎未應認得。

玉漏遲

周密

題吳夢隱霜花腴詞

老來歡意少。錦鯨去。紫簫聲杳。恨展金奩。依舊故人懷抱。猶想烏絲醉墨。驚醉語香紅圍繞。閒自笑。與君共是承平年少。雨牕短夢難憑。是幾調宮商。幾番吟嘯。淚眼東風。回首四橋烟草。載酒倦遊處。已換却

花間啼鳥。春恨悄。天涯暮雲殘照。

淒涼犯

姜夔

合肥秋夕

綠楊巷陌。西風起。邊城一片離索。馬嘶漸遠。人歸甚處。戍樓吹角。情懷正惡。更衰草寒烟淡薄。似當時。將軍部曲。迤邐度沙漠。追念西湖上。小舫攜歌。晚花行樂。舊遊在否。想如今。翠凋紅落。漫寫羊裙。等新鴈來時繫著。怕匆匆。不肯寄與。誤後約。

清嘯集

下卷

橋李項以淳長孺氏選輯

受業成 瑄葭律氏叅訂

滿江紅

程過

梅花

春欲來時長是與江梅有約。還又向竹林深處，一枝
開却。對酒漸驚身老大。看花應念人離索。但十分沉
醉祝東君。長如昨。芳艸渡孤舟泊。山斂黛。天垂幙。

黯銷魂。無奈暮雲殘角。便好折來和雪戴。莫教酒醒
隨風落。待殷勤留此寄相思。誰堪託。

岳珂

小院淡淡。悄鎮日陰晴無據。春未足。閨愁難寄。琴心
誰與。曲徑穿花尋蛺蝶。虛闌傍日教鸚鵡。笑十三楊
柳。女兒腰。東風舞。雲外月。風前絮。情與恨。長如許。
想綺牕。今夜與誰凝竚。洛浦夢回留佩客。秦樓聲斷
吹簫侶。正黃昏時候。杏花寒。廉纖雨。

陳策

楊花

倦繡人閒。恨春去淺。顰輕掠。章臺路。雪粘飛燕。帶芹
穿幙。委地身如游子倦。隨風命似佳人薄。歎此花飛
後更無花。情懷惡。心下事。誰堪託。憐老大。傷漂泊。
把前回離恨。暗中描摸。又趁扁舟低欲去。可憐世事
今非昨。看等閒飛過女牆來。鞦韆索。

楊恢

小院無人。正梅粉一階狼藉。疎雨過。溶溶天氣。早如
寒食。啼鳥驚回芳艸夢。峭風吹淺桃花色。漫玉爐沉

水熨春衫。花痕碧。綠教水。紅香陌。紫桂棹。黃金勒。
悵前歡如夢。後遊何日。酒醒香消人自瘦。天空海濶。
春無極。又一林新月。照黃昏。梨花白。

張翥

錢舜舉桃花折枝

前度劉郎。重來訪。玄都燕麥。回首地。暗香消盡。暮雲
低碧。啼鳥猶知人悵望。東風不管花狼籍。又淒淒。紅
雨夕陽中。空相憶。繁華夢。渾無迹。丹青筆。還畱得。
恍一枝長見。故園春色。塵世事多吾欲避。武陵路遠。

薩都刺

金陵懷古

誰能覓。但有山可隱。便須歸。栽桃客。
六代繁華。春去也。更無消息。空悵望。山川形勝。已非
疇昔。王謝堂前雙燕子。烏衣巷口曾相識。聽夜深。寂
寞打孤城。春潮急。思往事。愁如織。懷故國。空陳迹。
但荒烟衰艸。亂鴉斜日。玉樹歌殘秋露冷。胭脂井壞。
寒螿泣。到如今。只有蔣山青。秦淮碧。

邵亨貞

丙午重陽前二日雨霽泗涇倚欄望九山
雲鎖吳山。重陽近滿城風雨。層樓外摩挲病眼。尙堪
延佇。採菊有誰忘世慮。催租底事妨詩句。縱烏巾潦
倒不禁秋。猶能賦。村隱隱。牛羊路。烟冉冉。蒹葭渡。
是幾番興廢。幾番今古。世亂可堪逢節序。身閒猶有
餘風度。且憑高呼酒發狂歌。愁何處。

己酉九日雨中家居憶夏士安願貞蒙亨叔
姪唐元望元泰元弘昆季六人皆常年同萸
菊者一載之間俱罹患難各天一方信筆紀

懷有不勝情者矣

風雨重陽。憑誰問故人消息。記當日承平節序。佩環
賓席。處處相逢開口笑。年年不負登高屐。是幾番扶
醉插黃花。烏巾側。詩酒會成陳迹。山水趣今誰識。
奈無情世故。轉頭今昔。水雪關河勞夢寐。芝蘭玉樹
埋荆棘。對西風愁殺白頭人。長相憶。

徵招

周 密

九日有懷楊守齋

江籬搖落江楓冷。霜空鴈程初到。萬景正悲秋。奈曲
終人杳。登臨嗟老矣。問古今清愁多少。一夢東園十
年心事。恍然驚覺。腸斷紫霞深。知音遠。寂寂怨琴
悽調。短髮已無多。怕西風吹帽。黃花空自好。問誰識
對花懷抱。楚山遠。九辨難招。更晚烟殘照。

掃花遊

張炎

高疎寮東野園

烟霞萬壑。記曲徑尋幽。霽痕初曉。綠牕窈窕。看隨花

甃石。就泉通沼。幾日不來。一片蒼雲未掃。自長嘯。恨
喬木荒涼。都是殘照。碧天秋浩渺。聽虛籟泠泠。飛
下孤峭。山空翠老。步仙風。怕有采芝人到。野色閒門。
芳艸不除更好。境淡悄。比斜川又清多少。

天香

周密

龍涎香

碧腦浮冰。紅薇染露。驪宮玉唾誰搗。麝月雙心。鳳雲
百和寶釧。佩環爭巧。濃薰殘炷。疑醉度。千花春曉。金

餅著衣餘潤。銀葉透簾微裊。素被瓊篝夜悄。酒初醒。翠屏深窈。一縷舊情空趁。斷烟飛繞。羅袖餘馨漸少。悵東閣。淒涼夢難到。誰念韓郎。清愁漸老。

王沂孫

詠龍涎香

孤嶠蟠烟。層濤蛻月。驪宮夜採鉛水。信遠槎風。夢淡薇露。化作斷魂心字。紅蕖候火。還乍識。冰環玉指。一縷縈簾翠影。依稀海天雲氣。幾回殢嬌半醉。剪春燈夜。寒花碎。更好故溪飛雪。小牕深閉。荀令如今頓老。總忘却樽前舊風味。漫惜餘薰。空篝素被。

漢宮春

趙汝茆

著破荷衣。笑西風吹我。又落西湖。湖間舊時飲者。今與誰俱。山山暎帶。似攜來。画卷重舒。三十里芙蓉步障。依然紅翠相扶。一目清無留處。任屋浮天上。身集空虛。殘燒夕陽過鴈。點點疎疎。故人老大。好襟懷。消減全無。漫贏得。秋聲兩耳。冷泉亭下騎驢。

燭影搖紅

翁孟寅

樓倚春城。瑣牕曾共巢春燕。人生好夢逐春風。不似
楊花健。舊事如天漸遠。奈晴絲牽愁未斷。鏡塵埋恨。
帶粉棲香。曲屏寒淺。環佩空歸。故園羞見桃花面。
輕烟殘照。下闌干。獨自疎簾卷。一信狂風又晚。海棠
花隨風滿院。亂鴉歸後。杜宇啼時。一聲聲怨。

長亭怨

王沂孫

重過中庵故園

泛孤艇。東臯過遍。尚記當日綠陰門掩。屐齒莓階。酒
痕羅袖事何限。欲尋前迹。空惆悵。成秋苑。自約賞花
人。別後。總風流雲散。水遠。怎知流水外。却是亂山
尤遠。天涯夢短。想忘了。綺疏雕檻。望不盡。冉冉斜陽。
撫喬木。年華將晚。但數點紅英。猶識西園悽惋。

暗香

姜夔

舊時月色。算幾番照我。梅邊吹笛。喚起玉人。不管清
寒與攀摘。何遜而今漸老。都忘却春風詞筆。但怪得

竹外疎花。香冷入瑤席。江國正寂寂。歎寄與路燈。
夜雪初積。翠尊易泣。紅萼無言耿相憶。長記曾攜手
處。千樹壓西湖寒碧。又片片吹盡也。幾時見得。
白石自序曰辛亥之冬余載雪詣石湖止既月授
簡索句且徵新聲作此兩曲石湖把玩不已使工
伎隸習之音節諧婉
乃命之曰暗香疎影

邵亨貞

吳中顧氏舊時月色亭陸壺天倡始用白石
先生原韻以詠黃一峯持卷索賦

水邊寒色。又怎禁傍晚一聲長笛。廢苑日斜玉蕊疎

疎未快摘。回首江南舊夢。何處覓黃昏詩筆。縱近日
雪滿西冷。誰解爲移席。蕭瑟更幽寂。記馬斷橋
頓覺愁積。倚風暗泣。離黍殘碑尚追憶。絕艷無人管
領。潮自落吳山橫碧。便想像風景好。可能再得。

倦尋芳

盧祖臯

香泥壘燕。密葉巢鶯。春暗寒淺。花徑風柔。著地舞裯
紅軟。鬪艸烟欺羅袂薄。鞦韆影落春遊倦。醉歸來記
寶帳歌慵。錦屏春暖。別來悵光陰容易。還又茶蘼

牡丹開遍。如恨疎狂。那更柳花盈面。鴻羽難憑。芳信短。長安猶近。歸期遠。倚危樓。但鎮日。繡簾高捲。

楊 恢

錫簫吹暖。蠟燭分烟。春思無限。風到棟花。二十四番吹遍。烟溼濃堆。楊柳色。晝長閒。墜梨花片。悄簾櫳。聽幽禽對語。分明如剪。記舊日西湖行樂。載酒尋春。十里塵軟。背後腰肢。彷彿画图曾見。宿粉殘香。隨夢冷。落花流水。和天遠。但如今。病懨懨。海棠池館。

吳文英

錢周定夫

暮帆挂雨。水岸飛梅。春思零亂。送客將歸。偏是故宮離苑。醉酒會同。涼月舞。尋芳還隔。紅塵面。去難留。悵芙蓉路窄。綠楊天遠。便繫馬鶯邊。清曉。烟艸晴花。沙潤香軟。爛錦年華。誰念故人遊倦。寒食相思。堤上路。行雲應在。孤山畔。寄新吟。莫空回。五湖春鴈。

醉蓬萊

王沂孫

歸故山

下卷

掃西風門徑。黃葉凋零。白雲蕭散。柳換枯陰。賦歸來
何晚。爽氣霏霏。翠蛾眉嫵。聊慰登臨眼。故國如塵。故
人如夢。登高還嬾。數點寒英。爲誰零落。楚魄難招。
暮寒堪攬。步屣荒籬。誰念幽芳遠。一室秋燈。一庭秋
雨。更一聲秋鴈。試引芳樽。不知消得幾多依黯。

八聲甘州

趙希邁

竹西懷古

寒雲飛萬里。一番秋。一番攪離懷。向隋堤躍馬。前時
柳色。今度蒿萊。錦纜殘香在否。枉被白鷗猜。千古揚
州夢。一覺庭槐。歌吹竹西難問。拚菊邊醉著。吟寄
天涯。任紅樓踪跡。茅屋染蒼苔。幾傷心。橋東片月。趁
夜潮流。恨入秦淮。潮回處。引西風。恨又渡江來。

楊 悵

摘青梅薦酒。甚殘寒。猶袞芾。羅衣正。柳腴花瘦。綠雲
冉冉。紅雪霏霏。隔屋秦箏依約。誰品春詞。回首繁華
夢。流水斜暉。寄隱孤山山下。但一瓢飲水。淡掩苔
扉。羨青山有思。白鶴忘機。悵年華。不禁搔首。又天涯。

彈淚送春歸。消魂遠。千山啼鴉。十里茶蘼。前段第七句後段第

五句俱少一字

吳文英

陪庾莫諸公秋登靈巖

渺空烟四遠。是何年青天墜長星。幻蒼崖雲樹。名姓
金屋。殘霸宮城。箭徑酸風射眼。劍水染花腥。時鞞雙
鴛響。廊葉秋聲。官裡吳王沉醉。倩五湖倦客。獨釣
醒醒。問滄波無語。華髮奈山青。水涵空閣憑高處。送
亂鴉斜日落漁汀。連呼酒。上琴臺去。秋與雲平。後段第六

句與諸調不同

張炎

錢沈秋江

記玉關踏雪。事清遊寒氣。敝貂裘。傍枯林古道。長河
飲馬。此意悠悠。短夢依然江表。老淚洒西州。一字無
題處。落葉都愁。載取白雲歸去。問誰留楚佩。弄影
中洲。折蘆花贈遠。零落一身秋。向尋常野橋流水。待
招來不是舊沙鷗。空懷感。有斜陽處。最怕登樓。

錢艸隱西歸

記天風飛佩。紫霞邊。顧曲萬花深。怪相如遊倦。杜陵
愁老。還歎飄零。短夢恍然今昔。故國十年心。回首三
三徑。松竹成陰。不恨片帆南浦。只恨剪燈聽雨。誰
伴孤吟。料瘦筇歸後。閒鎖北山雲。是幾番。柳邊行色。
是幾番。同醉古園林。烟波遠。筆床茶竈。何處逢君。
後

第二句
多一字

周密

燈夕書寄二隱

漸萋萋芳艸。綠江南。輕暉弄春容。記少年遊處。簫聲

巷陌。燈影簾櫳。月煖烘爐戲鼓。十里步香紅。歎枕聽
新雨。往事朦朧。還是江南春夢曉。怕等閒愁見。鴈
影西東。喜故人好在水驛寄詩筒。數芳程。漸催花信。
送歸帆。知第幾番風。空吟想。梅花千樹。人在山中。
後

第一句
多一字

雙雙燕

史達祖

詠燕

過春社。子度簾幙中間。去年塵冷。差池欲住。試入舊

巢相並。還相雕梁藻井。又軟語商量不定。飄然快拂
花梢翠尾。分開紅影。芳徑芹泥雨潤。愛貼地爭飛。
競誇輕俊。紅樓歸晚。看足柳昏花暝。應是棲香正穩。
便忘了。天涯芳信。愁損翠黛雙蛾。日日畫欄獨凭。

揚州慢

姜夔

淳熙丙申至日。余過維揚。夜雪初霽。薺麥彌
望。入其城。則四顧蕭條。寒水自碧。暮色漸起。
戍角悲吟。余懷愴然。感慨今昔。因度此曲。于

巖老人以爲有黍離之感也

淮左名都。竹西佳處。解鞍少住初程。過春風十里。盡
薺麥青青。自胡馬窺江去後。廢池喬木。猶厭言兵。漸
黃昏清角。吹寒都在空城。杜郎俊賞。算如今重到。
須驚。縱豆蔻詞工。青樓夢好。難賦深情。二十四橋仍
在。波心蕩冷月無聲。念橋邊紅藥。年年知爲誰生。

聲聲慢

蔣捷

秋聲

黃花淡巷。紅葉低牕。淒涼一片秋聲。豆雨聲來。中間
夾帶風聲。疎疎二十五點。麗譙門不鎖。更聲故人遠。
問誰搖玉佩。簷底鈴聲。彩角聲吹月墮。漸連營馬
動。四起笳聲。閃爍隣燈。燈前尚有砧聲。知他訴愁到
曉。碎噉噉多少。蛩聲訴未了。把一半分與鴈聲。

周 密

柳花

燕泥沾粉。魚浪吹香。芳堤十里新晴。靜惹遊絲。花邊
裊裊扶春。多憐漂泊。記艸臺曾挽青青。堪愛處。是樸
簾嬌嫩。隨馬輕盈。長是河橋三月。做一番晴雪。惱
亂詩魂。帶雨沾衣。羅襟點點啼痕。休綴潘郎鬢影。怕
綠牕年少人驚。捲春去。剪東風千縷碎雲。

送王聖與次韻

瓊壺敲月。白髮簪花。十年一夢揚州。恨入琵琶。小憐
重見灣頭。樽前漫題金縷。奈芳情已逐東流。還送遠
甚。長安亂葉。都是閒愁。次第重陽近也。看黃花綠
酒。只合遲留。脆柳無情。不堪重繫行舟。百年正消幾
別對西風。休賦登樓。怎去得。怕淒涼時節。團扇悲秋。

三調句字長
短俱不同

玲瓏四犯

姜夔

疊鼓夜寒。垂燈春淺。匆匆時事如許。倦遊歡意少。俛仰悲今古。江淹又吟恨賦。記當時送君南浦。萬里乾坤。百年身世。惟有此情苦。揚州橋。垂官路。有輕盈換馬。端正窺戶。酒醒明月下。夢逐潮聲去。文章信美。知何用。漫贏得天涯羈旅。教說與春來。要尋花伴侶。夜合花

孫惟信

風葉敲牕。露蛩吟甃。謝娘庭院秋宵。鳳屏半掩。釵花映燭。紅搖潤玉。煖膩雲嬌。染芳情香透。鮫綃斷魂留。夢烟迷楚驛。月冷藍橋。誰念賣藥文簫。望仙城路杳。鶯燕迢迢。羅衫暗摺。蘭痕粉迹都消。流水遠。亂花飄。苦相思寬盡香腰。幾時重恁。玉驄過處。小袖輕招。陌上花

張翥

使歸閩浙歲暮有懷

關山夢裡歸來還。又歲華催晚。馬影雞聲。諳盡倦郵
荒館。綠箋密記多情事。一看一回腸斷。待殷勤寄與。
舊遊鶯燕。水流雲散。滿羅衫是酒香痕。凝處唾碧
啼紅相半。只恐梅花瘦倚。夜寒誰暖。不成便沒相逢
日。重整釵鸞。等鴈。但何郎縱有春風詞筆。病懷渾嬾。
三姝媚

吳文英

過都城舊居有感

湖山經醉慣。漬春衫。啼痕酒痕無限。久客長安。歎斷

襟零袂。沈塵誰浣。紫曲門荒。沿敗井風。搖青蔓。對語
東隣。猶是曾巢謝堂雙燕。春夢人間須斷。但怪得
當時夢緣能短。繡屋秦箏。傍海棠。偏愛夜深開宴。舞
歇歌沉。花未減。紅顏先變。佇久河橋。欲向斜陽淚滿。

高陽臺

韓 轆

除夕

頻聽銀籤重燃。絳蠟年華。袞袞驚心。餞舊迎新。能消
幾刻光陰。老來可慣通宵飲。待不眠還怕寒侵。掩清

樽多謝梅花。伴我微吟。隣娃已試春妝了。更蜂枝
簇翠。燕股橫金。勾引東風。也知芳意難禁。朱顏那有
年年好。逞艷游。羸取如今。恣登臨。殘雪樓臺。遲日園
林。

王億之

雙槳敲冰。低篷護冷。扁舟曉渡西泠。回首吳山。微茫
遙帶重城。堤邊幾樹垂楊柳。早嫩黃。搖動春情。問孤
鴻。何處飛來。共喚飄零。輕帆初落沙洲。暝漸潮痕
雨漬。面色風皺。旅思羈愁。偏能老大行人。姮娥不管
凝。

周密

送陳君衡被召

照野旌旗。朝天車馬。平沙萬里天低。寶帶金章。尊前
茸帽風欹。秦關汴水經行地。想登臨。都付新詩。縱英
遊。疊鼓清笳。駿馬名姬。酒酣應對燕山雪。正冰河
月凍。曉隴雲飛。投老殘年。江南誰念方回。東風漸綠
西湖柳。鴈已還人。未南歸。最關情。折盡梅花。難寄相

思

寄越中諸友

小雨分江。殘寒迷浦。春容淺入蒹葭。雪霽空城。燕歸何處人家。夢魂欲渡蒼茫去。怕夢輕還被愁遮。感流年。夜汐東還。冷照西斜。萋萋望極王孫草。認雲中烟樹。鷗外春沙。白髮青山。可憐相對蒼華。歸鴻自趁潮回去。笑倦遊猶是天涯。問東風。先到垂楊。後到梅花。

王沂孫

殘萼梅酸。新溝水綠。東風節序暄妍。獨立雕闌。誰憐枉度華年。朝朝准擬清明近。料燕翎須寄銀箋。又爭知一字相思。不到吟邊。雙蛾不拂青鸞冷。任花陰寂寂。掩戶閒眠。屢卜佳期。無憑却怨金錢。何人寄與天涯信。趁東風急整歸船。縱飄零。滿院楊花。猶是春前。

陳君衡遠遊未還周公謹有懷人之賦倚歌

和之

駝褐輕裝。狨羈小隊。冰河夜渡流澌。朔雪平沙。飛花

亂拂蛾眉。琵琶已是淒涼調。更賦情不比當時。想如今人在龍庭。初勸金卮。一枝芳信應難寄。向山邊水際。獨抱相思。江雁孤回。天涯人自歸遲。歸來依舊秦淮碧。問此愁還有誰知。對東風空似垂楊。零亂千絲。

次韻答艸隱

殘雪庭陰。輕寒簾影。霏霏玉管春葭。小帖金泥。不知春是誰家。相思一夜。牕前夢。奈箇人水隔天遮。但淒然。蒲樹幽香。蒲地橫斜。江南自是離愁苦。况遊驄古道。歸鴈平沙。怎得銀箋。殷勤與說年華。如今處處生芳艸。縱凭高不見天涯。更消他幾度東風。幾度飛花。

張炎

西湖春感

接葉巢鶯。平波卷絮。斷橋斜日歸船。能幾番遊。看花又是明年。東風且伴薔薇任。到薔薇春已堪憐。更淒然。萬綠西冷。一抹荒烟。當年燕子知何處。但苔深韋曲。草暗斜川。見說新愁。如今已到鷗邊。無心再續

笙歌夢掩重門淺醉閒眠莫開簾怕見飛花怕聽啼
鶻

李萊老

落梅

門掩香殘屏搖夢冷珠鈿糝綴芳塵臨水拏花流來
疑是行雲蘚梢空挂淒涼月想鶴歸猶怨黃昏黯銷
凝人老天涯鴈影沉沉斷腸不在聽橫笛在江臯
解佩翳玉飛瓊烟溼荒村背春無限愁淡迎風點點
飄寒粉悵秋娘蒲袖啼痕更關情青子懸枝綠樹成

陰

絳都春

翁元龍

秋晚海棠與黃菊盛開

花嬌半面記蜜燭夜闌同醉淡院衣袖粉香猶未經
年如年遠玉顏不趁秋容換但換却春遊同伴夢回
前度郵亭倦客又拈箋管慵按梁州舊曲怕離柱
斷絃驚破金雁霜被睡濃不比花前良宵短秋娘羞
占東籬畔待說與淡宮幽怨恨他情淡陶郎舊綠較

淺。

渡江雲

邵亨貞

庚戌臘月九日與邾仲義同往江陰是夕泊
舟無錫之高橋亂後荒寒茅葦彌望朔吹乍
靜山氣乍昏復明起與仲義登橋縱目霜月
遍野情懷恍然口占紀行求仲義印可

朔風吹破帽江空歲晚客路正冰霜暮鴉歸未了指
點旗亭弭棹宿河梁荒烟亂艸試小立目斷斜陽尋
舊遊恍然如夢輾轉意難忘堪傷山陽夜笛水面
琵琶記當年曾賞嗟老來風埃憔悴身世微茫今宵
到此知何處對冷月清興猶狂愁未了一聲漁笛滄
浪。

花犯

周密

水仙花

楚江滑湘娥乍見無言灑清淚淡然春意空獨倚東
風芳思誰記凌波路冷秋無際香雲隨步起漫道漢

宮仙掌。亭亭明月底。冰絃寫怨更多情。騷人恨。枉
賦芳蘭幽芷。春思遠。誰賞國香風味。相將其歲寒伴
侶。小牕靜。沉烟薰翠被。幽夢覺。涓涓清露。一枝燈影
裡。

念奴嬌

姜夔

吳興荷花

鬧紅一舸。記來時長與鴛鴦爲侶。三十六陂人未到。
水佩風裳無數。翠葉吹涼。玉容消酒。更酒菰蒲雨。嬌

然搖動。冷香飛上詩句。日暮清蓋亭亭。情人不見。
爭忍凌波去。只恐舞衣寒易落。愁入西風南浦。高柳
垂陰。老魚吹浪。留我花間住。田田多少。幾迴沙際歸
路。

王易簡

暗簾吹雨。怪西風梧井。淒涼何早。一寸柔情千萬縷。
臨鏡霜痕驚老。鴈影關山。蜚聲院宇。做就新懷抱。湘
臯遺佩。故人空寄瑤艸。已是搖落堪悲。飄零多感。
那更長安道。衰艸寒蕪吟未盡。無那平烟殘照。千古

閑愁。百年往事。不了黃花笑。漁樵淡處。蒲庭紅葉。休掃。

陳允平

賦水仙

漢江露冷。是誰將瑤瑟。彈向雲中。一曲清冷。聲漸杳。月高人在珠宮。暈額黃輕。塗腮粉艷。羅帶織青葱。天香吹散。佩環猶自。丁東。回首杜若汀洲。金鈿玉鏡。何日得相逢。獨立飄飄。烟浪遠。羅襪羞濺春紅。渺渺予懷。迢迢良夜。三十六陂風。九疑何處。斷魂飛度。千

峯。

薩都刺

登石頭城

石頭城上。望天低吳楚。眼空無物。指點六朝形勝地。惟有青山如壁。蔽日旌旗。連雲檣櫓。白骨粉如雪。一江南北。消磨多少豪傑。寂寞避暑離宮。東風輦路。芳艸年年發。落日無人。松徑裡。鬼火高低明滅。歌舞樽前。繁華鏡裡。暗換青青髮。傷心千古。秦淮一片明

湘月

姜夔

五湖舊約。問經年底事。長負清景。暝入西山。漸喚我
一葉夷猶乘興。倦網都收。歸禽時度。月上汀洲冷。中
流容與。画燒不點清鏡。誰解喚起湘靈。烟鬟霧鬢。
理哀絃鴻陣。玉塵談玄。歎座客多少。風流名勝。暗柳
蕭蕭。飛星冉冉。夜久知秋信。鱸魚應好。舊家樂事。誰
省。

東風第一枝

史達祖

春雪

巧剪蘭心。偷粘草甲。東風欲障新暖。漫疑碧瓦難留。
信知暮寒較淺。行天人鏡。做弄出、輕鬆纖軟。料故園
不卷重簾。誤了乍來雙燕。青未了。桺回白眼。紅欲
斷。杏開素面。舊遊憶著。山陰厚盟。遂妨上苑。寒爐重
煖。且漫放春衫針線。恐鳳鞋挑菜歸來。萬一灞橋相
見。

燈夕

下卷

酒館歌雲。燈街舞繡。笑聲喧似簫鼓。太平京國多歡。
大酺綺羅幾處。東風不動。照花影一天春聚。耀翠光
金縷相交。苒苒細吹香霧。嗟醉玉少年風度。懷豔
雪。舊家伴侶。閉門明月關心。倚牕小梅索句。吟情欲
斷。念嬌俊知人無據。想袖寒珠絡藏香。夜久帶愁歸
去。

琵琶仙

姜夔

吳興感遇

雙槳來時。有人似舊曲桃根。桃葉歌扇輕約。飛花蛾
眉正奇絕。春漸遠。汀洲自綠。更添了幾聲啼鴂。十里
揚州。三生杜牧。前事休說。又還是宮燭分烟。念愁
裡匆匆。換時節。都把一襟芳思。與空階榆莢。千萬縷
藏鴉細柳。爲玉樽起舞。迴雪。想見西出陽關。故人初
別。

壺中天

張炎

養拙夜飲。客有彈箏篴者。卽事以賦。

瘦筇訪隱。正繁陰閒鎖。一壺幽綠。喬木蒼寒圖畫古。
窈窕人行韋曲。鶴響天高。水流花淨。笑語通華屋。虛
堂松外。夜淡涼氣吹燭。樂事。楊柳樓心。瑤臺月下。
有生香堪掬。誰理商聲。簾戶悄。蕭颯懸璫鳴玉。一笑
難逢。四愁休賦。任我雲邊宿。倚闌歌罷。露螢飛下秋
竹。

木蘭花慢

周端臣

送人之九華

靄芳陰未解。乍天氣過元宵。訝客袖猶寒。吟牕易曉。
春色無聊。梅梢尚留顧藉。滯東風未肯雪輕飄。知道
詩翁欲去。遞香要送蘭橈。清標會上。霄千里阻
九華遙。料今朝別後。他時有夢。應夢今朝。河橋柳愁
未醒。贈行人。又恐越魂消。留取歸來繫馬。翠長干縷
柔條。換頭三句與後三調不同

李珣

寄豫章故人

故人知健否。又過了一番秋。記十載心期。蒼苔茅屋。

杜若芳洲。天涯夢飛不到。但滔滔歲月水東流。南浦春波舊別。西山暮雨新愁。吳鈞光透黑貂裘。客思晚悠悠。更何處相逢。殘更聽鴈。落日呼鷗。滄江白雲無數。約他年。攜手上扁舟。鴉陣不知人意。黃昏飛向城頭。

張翥

次韻陳見心孤山問梅

愛西湖千樹。曾幾度爲攜樽。向柳外停橈。苔邊待鶴。酒熱詩溫。瀛洲舊時月色。悵荒涼。惟有數枝存。天上

梨花成夢。江南桃葉移根。如今憔悴客愁村。難返暗香魂。甚歲晚春遲。角寒笛曉。雪暗雲昏。登臨不堪寄目。但青山隱隱。月紛紛。再約與君同醉。從他啄木敲門。

邵亨貞

蕙昌齡過曹雲翁貞溪故居賦致慕蘭之意
幼交致其意。未次韻入卷。

訪溪翁隱處。渾不減。朝川西。指花下吟牕。松間畫壁。名筆交題。經行向來坊陌。藹茂林修竹。與雲齊。丹竈

遺基彷彿。墨池流水。淒迷。青驪乘興踏春泥。仙路
入桃蹊。歎前輩風流。故家文物。往夢難提。那能九原
重起。向三生石上。縱揮犀。回首不勝魂斷。夕陽芳草
萋萋。

憶舊遊

吳文英

別黃澹翁

送人猶未。苦苦送春。隨人去天涯。片紅都飛盡。陰陰
潤綠。暗裏啼鴉。賦情頓雪雙鬢。飛夢逐塵沙。嘆病渴

淒涼。分香瘦減。兩地看花。西湖斷橋路。想繫馬垂
楊。依舊欹斜。葵麥迷烟處。問離巢孤燕。飛過誰家。故
人爲寫溪怨。空壁掃秋蛇。但醉上吳臺。殘陽草色歸
思賒。

齊天樂

姜夔

蟋蟀

庾郎先自吟愁賦。淒淒更聞私語。露濕銅鋪。苔侵石
井。都是曾聽伊處。哀音似訴。正思婦無眠。起尋機杼。

曲曲屏山。夜涼獨自甚情緒。西廳又吹暗雨。爲誰
頻斷續。相和砧杵。候館吟秋。離宮弔月。別有傷心無
數。爾詩漫與。笑籬落呼燈。世間兒女。寫入琴絲。一聲
聲更苦。

吳文英

新烟初試。花如夢。疑收楚峯殘雨。茂苑人歸。秦樓燕
宿。同惜天涯爲旅。遊情最苦。早柔綠迷津。亂莎荒圃。
數樹梨花。晚風吹墮半汀鷺。流紅江上去遠。翠樽
曾共醉。雲外別墅。淡月鞦韆。幽香巷陌。愁結傷春淡

處聽歌看舞。駐不得當時。柳蠻櫻素。睡起恹恹。洞簫
誰院宇。

劉瀾

吳興郡宴遇舊人

玉釵分向金華後。回頭路迷仙苑。落翠驚風。流紅逐
木。誰信人間重見。花淡半面。尚歌得新詞。柳家三變。
綠葉陰陰。可憐不似那時看。劉郎今度更老。雅懷
都不到。書帶題扇。花信風高。茗溪月冷。明日雲帆天
遠。塵緣較短。怪一夢輕回。酒闌歌散。別鶴驚心。感時

花淚濺。

王沂孫

螢

碧痕初化池塘草。熒熒野光相趁。扇薄星流。盤躑露
滴。零落秋原飛燐。練裳暗近。記穿柳生涼。度荷分暝。
誤我殘編。翠囊空歎。夢無準。樓陰時過。數點。倚闌
人未睡。曾賦幽恨。漢苑飄苔。秦陵墮葉。千古淒涼不
盡。何人爲省。但隔水餘輝。傍林殘影。已覺蕭疎。更堪
秋夜永。

贈秋厓道人西歸

冷烟殘水。山陰道。家家擁門黃葉。故里魚肥。初寒鴈
落。孤艇將歸時節。江南恨切。問還與何人。共歌新闕。
換盡秋芳。想渠西子。更愁絕。當時無限舊事。歎繁
華似夢。如今休說。短褐臨流。幽懷倚石。山色重逢都
別。江雲凍結。算只有梅花。尚堪攀折。寄取相思。一枝
和夜雪。

張炎

杭友抵越適鑑曲漁舍會飲

下卷

春雲不煖垂楊柳。吹却絮雲多少。燕子人家。夕陽巷
陌。行入野畦深窈。壽花鬪草。記小艇尋芳。斷橋初曉。
那日心情。幾人同向近來老。消憂何處最好。夜遊
頻秉燭。猶是遲了。南浦歌闌。東林社冷。贏得如今懷
抱。吟棕暗惱。待醉也慵聽。勸歸啼鳥。怕攪離愁。亂紅
休去掃。

庚辰會江蘭坡於薊北恍然如夢回憶舊遊
已十八年矣

十年舊事翻疑夢。重逢可憐俱老。木國春空。山城歲
晚。無語相看一笑。荷衣換了。任京洛塵沙。冷凝風帽。
見說吟情。近來不到謝池草。歡遊曾步翠窈。亂紅
迷紫曲。芳意今少。舞扇招香。歌燒喚玉。猶憶錢塘蘇
小。無端暗惱。又幾度流連。燕昏鶯曉。回首枚樓。甚時
重去好。

李萊老

寄弁陽翁

半空河影流雲碎。亭臯嫩涼收雨。井葉還驚。江蓮亂
落。弦月初生商素。堂深幾許。漸爽入雲。轉翠綃千縷。

紈扇恩疎。晚螢光冷照廳戶。文園憔悴頓老。又西風暗換。絲髻無數。燈外殘砧。琴邊瘦枕。一一情傷遲暮。故人倦旅。料渭水長安。感時吟苦。正自多愁。砌蛩終夜語。

王易簡

客長安賦

宮烟散曉春如霧。參差護晴廳戶。柳色初分。飴香未冷。正是清明百五。臨流笑語。映十二闌干。翠頰紅如短帽輕鞍。倦遊曾遍斷橋路。東風爲誰眉嫵。歲華

頻感慨。雙鬢何許。前度劉郎。三生杜牧。贏得征衫塵土。心期暗數。總寂寞當年。酒籌花譜。付與春愁。小樓今夜雨。

張翥

臨川夜飲李輔之寓所

紅霜一樹淒涼葉。驚烏夜淡啼落。客裏相逢。樽前細數。幾度雨飄風泊。微吟緩酌。漸月影斜欹。畫闌東角。只怕梅花無人看。管瘦如削。江湖容易歲晚。想多情念我。歸信曾約。塵土狂踪。山林舊隱。夢寄艸堂猿

鶴離懷最惡。是酒醒香殘。燭寒花薄。一段銷凝。覺來無處著。

邵亨貞

甲戌清明雨中

離歌一曲江南暮。依稀灞橋回首。立馬東風。送人南浦。認得當年楊柳。梨花過後。悄不見隣牆。弄梅纖手。綺陌東頭。箇人還似舊時否。相如近來病久。縱腰圍暗減。猶未全瘦。宿酒昏燈。重門夜雨。寒食清明依舊。新愁謾有。第一是傷心。粉消紅溜。待約明朝。問舟

官渡口

瑞鶴仙

樓采

凍痕消。夢草又招得春歸。舊家池沼。園扉掩寒峭。倩誰將花信。遍傳淡窈。追遊趁早。便裁却輕衫短帽。任殘梅飛。蒲溪橋。和月醉眠清曉。年小。青絲纖手。綵勝嬌鬟。賦情誰表。南樓信杳。江雲重。鴈歸少。記衝香嘶馬。流紅回岸。幾度綠楊殘照。想暗黃依舊。東風灞陵古道。

水龍吟

黃孝邁

閒情小院沉吟。草淡柳密簾空翠。風簷夜響，殘燈慵
剔。寒輕怯睡。店舍無烟，關山有月，梨花蒲地。二十年
好夢，不曾圓合，而今老，都休矣。誰共題詩，乘燭兩
慊慊。天涯別袂，柔腸一寸，七分是恨，三分是淚。芳信
不來，玉簫塵染，粉衣香退。待問春，怎把千紅換得，一
池綠水。

施岳

翠螭湧出滄溟。影橫棧壁，迷烟墅，樓臺對起。闌干重
凭。山川自右。梁苑平蕪，汴堤疎柳，幾畝晴雨。看天低
四遠，江空萬里，登臨處，分吳楚。兩岸花飛絮舞。度
春風，蒲城簫鼓。英雄暗老，昏潮曉汐，歸帆過櫓。淮水
東流，塞雲北渡。夕陽西去，正淒涼，望極中原路。杳月
來南浦。

王沂孫

落葉

曉霜初著青林。望中故國淒涼早。蕭蕭漸積，紛紛猶

墜門荒徑悄。渭水風生。洞庭波起。幾番秋杪。想重崖
半沒。千峯盡出。山中路。無人到。前度題紅杳杳。湖
宮溝暗流空遶。啼螿未歇。飛鴻欲過。此時懷抱。亂影
翻牕。碎聲敲砌。愁人多少。望吾廬甚處。只應今夜。蒲
庭誰掃。

張翥

廣陵送客次鄭蘭玉賦蓼花韻

芙蓉老去。秋殘露華。滴盡珠盤淚。水天瀟灑。秋容冷
淡。憑誰點綴。瘦葦黃邊。疎蘋白外。蒲汀烟穗。把餘妍

分與西風染就。猶堪愛紅芳媚。幾度臨流送遠。向
花前偏驚客意。船牕雨後。數枝低入。香零粉碎。不見
當年。秦淮花月。竹西歌吹。但此時此處。叢叢滿眼。伴
離人醉。

慶宮春

張樞

斜日明霞。殘虹分雨。軟風輕掠蘋波。聲冷瑤笙。情疎
寶扇。酒醒無奈。秋何彩雲輕散。漫敲缺銅壺。浩歌眉
痕留怨。依約遠峯。學斂雙蛾。銀牀露洗涼柯。屏掩

香消。恐掃。裊羅。楚驛梅邊。吳江楓畔。庾郎從此愁多。
艸蛩喧砌。料催織。迴文鳳梭。相思遙夜。簾卷翠樓。月
冷星河。

周密

送趙元父之吳

重疊雲衣。微茫鴻影。短篷穩載吳雪。霜葉敲寒。風燈
搖暈。棹歌人語嗚咽。擁衾呼酒。正百里冰河乍合。干
山換色。一鏡無塵。玉龍吹裂。夜淡醉踏長虹。表裏
空明。古今清絕。高臺在否。登臨休賦。忍見舊時明月。
君同折。

王沂孫

水仙

明玉擎金。纖羅飄帶。爲君起舞迴雪。柔影參差。幽芳
零亂。翠圍腰瘦一捻。歲華相誤。記前度湘臯。怨別哀
絃。重聽。都是淒涼。未須彈徹。國香到此。誰憐。烟冷
沙昏。頓成愁絕。花惱難禁。酒消欲盡。門外水澌初結。
試招仙魄。怕今夜。瑤簪凍折。攜盤獨出。空想咸陽。故

宮落月

王易簡

謝艸牕惠詞卷

庭艸春遲。汀蘋香老。數聲佩悄蒼玉。年晚江空。天寒
日暮。壯懷聊寄幽獨。倦遊多感。更西北高樓送目。佳
人不見。慷慨悲歌。夕陽喬木。紫霞洞杳雲深。嫋嫋
餘音。鳳簫誰續。桃花賦在竹枝詞遠。此恨年年相觸。
翠櫺芳宇。漫重省當時顧曲。因君凝竚。依約吳山半
痕。蛾綠。

宴清都

盧祖臯

春信飛瓊。管風日薄。度墻啼鳥聲亂。江城次第。笙歌
翠合。綺羅香煖。溶溶澗綠冰泮。醉夢裏年華暗換。料
黛眉重鎖隋堤。芳心暗動梁苑。新來。鴈濶雲音。鸞
分鏡影。無計重見。啼春細雨。籠愁淡月。恁時庭院。離
腸未語先斷。算猶有凭高望眼。更那堪芳艸連天。飛
梅弄晚。

湘春夜月

黃孝邁

近清明。翠禽枝上消魂。可惜一片清歌，都付與黃昏。
欲共柳花低訴，怕柳花輕薄，不解傷春。念楚鄉旅宿，
柔情別緒，誰與溫存。空樽夜泣，青山不語，殘月當
門。翠玉樓前，惟是有一波湘水，搖蕩湘雲。天長夢短，
問甚時重見桃根。這次第，算人間沒箇并刀，剪斷心
上愁痕。

氏州第一

邵亨貞

丙申初冬次錢素庵韻

江國初寒。雲外鴈過，懷人烟浪千頃。短策行吟，荒臺
延佇。斜日依然照影。鷗鳥橋邊，幾負了扁舟清興。舊
約蹉跎。新詩冷落，怎看提省。故里年來歡事，迥算
何似向時風景。倚馬朱扉，調箏翠袖，一晌新盟冷。但
沉思遊宴處，紅樓外，柳條相映。不見君來，待重尋山
陰夜艇。

揆春慢

姜夔

過茗雪別鄭次臯諸君

衰艸愁烟亂鴉送日。風沙迴旋平野。拂雪金鞭欺寒
茸帽。還記章臺走馬。誰念飄零久。漫贏得幽懷難寫。
故人青盼相逢小。憇閒共情話。長恨離多會少。重
訪問竹西。珠淚盈把。鴈積沙平。漁汀人散。老去不堪
游冶。無奈茗溪月。又喚我扁舟東下。甚日歸來。梅花
零亂春夜。

喜遷鶯

吳文英

福山蕭寺歲除

江亭年暮。趁飛鴈。又聽數聲柔櫓。藍尾杯單。膠牙餠
淡。重省舊時羈旅。雪舞野梅籬落。寒擁漁家門戶。晚
風峭。做初番花信。春還知否。何處圍豔冶。紅燭兩
堂。博塞良宵午。誰念行人。愁先芳艸。輕送年華如羽。
自剔短檠不睡。空索彩桃新句。便歸好。料鶯黃已染
西池千縷。

馮去非

涼生遙渚。正綠芰擎霜。黃花招雨。鴈外漁燈。蛩邊蟹

舍。絳葉舞秋來路。世事不離雙鬢。遠夢偏欺孤旅。送
望眼。但憑舷微笑。書空無語。傭看青鏡裏。十載征
塵。長把朱顏污。借箸青油。揮毫紫塞。舊事不堪重舉。
間濶。故山猿鶴。冷落同盟鷗鷺。倦遊也。便檣雲柁。月
浩歌歸去。

綺羅香

即沁園春

史達祖

春雨

做冷欺花。將烟困柳。千里偷催春暮。盡日冥迷。愁裏

欲飛還住。驚粉重、蝶宿西園。喜泥潤、燕歸南浦。最妨
他佳約風流。鈿車不到杜陵路。沉沉江上望極。還
被春潮晚急。難尋官渡。隱約遙峯。和淚謝娘眉嫵。臨
斷岸。新綠生時。是落紅帶愁流處。記當日。門掩梨花
剪燈淡夜語。

張炎

紅葉

萬里飛霜。千山落木。寒豔不招春妬。楓冷吳江。獨客
又吟愁句。正船艤流水孤村。似花繞斜陽芳樹。甚荒

溝一片淒涼。載情不去，載愁去。長安誰問倦旅。羞見衰顏借酒，飄零如許。漫倚新粧，不入洛陽花譜。爲迴風起舞樽前，盡化作斷霞千縷。記陰陰綠遍江南，夜牕聽暗雨。

張 槃

漁浦有感

浦月窺簷，松泉漱枕。屏裡吳山何處。暗粉疎紅，依舊爲誰勻注。都負了、燕約鶯期。更閑却、柳烟花雨。縱十分春到，郵亭賦，懷應是斷腸句。青青原上薺麥，還

被東風無賴，翻成離緒。望極天西，惟有隴雲江樹。斜照帶一縷新愁，盡分付暮潮歸去。步閒階待卜心期，落花空細數。

南浦

張 炎

春水

波煖綠粼粼。燕飛來好，是蘓堤纔曉。魚沒浪痕圓。流紅去，翻喚東風難掃。荒橋斷浦，柳陰撐出扁舟小。回首池塘青欲遍，絕似夢中芳艸。和雲流出空山，甚

年年淨洗。花香不了。新綠乍生時。孤村路。猶憶那迴。
曾到。餘情渺渺。茂林觴詠。如今悄悄。前度劉郎從去後。
溪上碧桃多少。須來。秋景蘇吳。對酒。莫負良辰。國

邵亨貞

次韻答南金見寄

烟水隔殊鄉。又匆匆。誤了踏青時候。一別幾多時。河
橋外。官柳青條猶瘦。君來爲問。渡江桃葉曾來否。生
怕木蘭雙艇子。只道故人依舊。孤村寒食。駿尋料
歸期漸近。花開休驟。油壁耐東風。先拚取。同醉亂紅
莫對夕陽搔首。

永遇樂

辛棄疾

京口北固亭懷古

千古江山。英雄無覓孫仲謀處。舞榭歌臺。風流總被
雨打風吹去。斜陽草樹。尋常巷陌。人道寄奴曾住。想
當年。金戈鐵馬。氣吞萬里如虎。元嘉草草。封狼居
胥意。贏得倉皇北顧。四十三年。望中猶記。燈火揚州。

路可堪回首。佛狸祠下。一片神鴉社鼓。憑誰問。廉頗老矣。尙能飯否。

一萼紅

姜夔

人日登長沙定王臺

古城陰。有官梅幾許。紅萼未宐簪。池面冰膠。牆腰雪老。雲意還又沉沉。翠藤共開穿徑竹。漸笑語驚起。卧沙禽。野老林泉。故王臺榭。呼喚登臨。南去北來何事。蕩湘雲。楚水。極目傷心。朱戶粘雞。金盤簇燕。空歎得歸鞍到時。只怕春淡。

周密

登蓬萊閣有感

步淡幽。正雲黃天淡。雪意未全休。鑑曲寒沙。茂林烟艸。俯仰今古悠悠。歲華晚。飄零漸遠。誰念我同載五湖舟。磴古松斜。崖陰苔老。一片清愁。回首天涯歸夢。幾魂飛西浦。淚洒東州。故國山川。故園心眼。還似王粲登樓。最負他秦鬟妝鏡。好江山何事此時遊。爲

喚狂吟老監。共賦銷憂。

李彭老

寄弁陽翁

過薔薇。正風暄雲淡。春去未多時。古岸停橈。單衣試酒。滿眼芳艸斜暉。故人老。經年賦別。燈暈裏相對。夜何其。泛剡清愁。買花芳事。一卷新詩。流水孤帆漸遠。想家山猿鶴。喜見重歸。北阜尋幽。青津問釣。多情楊柳依依。最難忘。吟邊舊雨。數菖蒲花。老是來期。幾夕相思。夢蝶飛遶蘋溪。

疎影

姜夔

苔枝綴玉。有翠禽小小。枝上同宿。客裏相逢。籬角黃昏無言。自倚修竹。昭君不慣胡沙遠。但暗憶江南江北。想佩環月下歸來。化作此花幽獨。猶記淡宮舊事。那人正睡裡。飛近蛾綠。莫似春風。不管盈盈。早與安排金屋。還教一片隨波去。又却怨玉龍哀曲。等恁時重覓幽香。已入小牕橫幅。

擊梧桐

李珣

別西湖社友

楓葉濃於染。秋正老。江上征衫寒淺。又是秦鴻過。霽
烟外寫出離愁幾點。年來歲去。朝生暮落。人似吳潮
輾轉。怕聽陽關曲。奈短笛喚起天涯情遠。雙屐行
春。扁舟嘯晚。憶著鷗湖鶯苑。鶴帳梅花。屋霜月後。記
把山扉牢掩。惆悵明朝何處。故人相望。但碧雲半歛。
定蕪堤重來時候。芳艸如剪。

女冠子

蔣捷

元夕

蕙花香也。雪晴池館如畫。春風飛到寶釵樓。上一片
笙簫。琉璃光射。而今燈謾挂。不是暗塵明月。那時元
夜。况年來心懶意怯。羞與蛾兒爭耍。江城人悄初
更打。問繁華誰解。再向天公借。別殘紅地。但夢裡隱
隱。鈿車羅帕。吳牋銀粉。待把舊家風景。寫成閑話。
笑綠鬟鄰女。倚窗猶唱夕陽西下。

八歸

姜夔

湘中送胡德華

芳蓮墜粉。疎桐吹綠。庭院暗雨乍歇。無端抱影銷魂處。還見篠牆螢暗。蘚階蛩切。送客重尋西去路。問水
面琵琶誰撥。最可惜一片江山。總付與啼鴉。長恨
相從未款。而今何事。又對西風離別。渚寒烟淡。棹移
人遠。縹緲行舟如葉。想文君望久。倚竹愁生步羅襪。
歸來後。翠樽雙飲。下了珠簾。玲瓏閒看月。

賀新郎

劉過

老去相如倦。向文君說似而今怎生消遣。衣袂京塵
曾染處。空有香紅尚軟。料彼此魂銷腸斷。一枕新涼
眠客舍。聽梧桐疎雨。秋聲顫。燈暈冷。記初見。樓低
不放珠簾捲。晚妝殘。翠鈿狼籍。淚痕凝臉。人道愁來
須殢酒。無奈愁多酒淺。但託意焦琴。絃扇。莫鼓琵琶
江上曲。怕荻花楓葉俱悽怨。雲萬疊。寸心遠。

盧祖臯

彭傳師於三高祠前作釣雪亭趙子野邀余

賦之

攬住風前橋。問鷓鴣。當日扁舟。近曾來否。月落潮生。
無限事。零落茶烟未久。漫留得。尊鱸依舊。可是功名。
從來誤。撫荒祠。誰繼風流後。今古恨。一搔首。江涵
鴈影。梅花瘦。四無塵。雪飛雲凍。夜牕如畫。萬里乾坤。
清絕處。付與漁翁釣叟。又恰是。題詩時候。猛拍闌干。
呼鷗鷺。道他年。我亦垂綸手。飛過我。共樽酒。

史達祖

花落臺池靜。自春衫。閑來老了舊香荀。令酒旣相違。
詩亦可。此外雲沉夢冷。又催喚。官河蘭艇。輒岸烟霏。
吹不斷。望樓陰。欲帶朱橋影。和艸色。入輕暎。裙邊
竹葉多應剩。怪南溪。見後無箇再來芳信。蝴蝶一生
花裡活。難制竊香心性。便有段新愁。隨定落日年年。
宮樹綠。墮新聲。玉笛西風勁。誰伴我。月中聽。

蔣捷

渺渺啼鴉了。豆魚天。寒生峭嶼五湖秋。曉竹几一燈。
人做夢。嘶馬誰行古道。起搔首。窺星多少。月有微黃。
籬無影。挂牽牛。數朶青花小。秋太淡。添紅棗。愁痕

倚賴西風掃。被西風翻催鬢。鬢與秋俱老。舊院隔霜
簾不卷。金粉屏邊醉倒。計無此中年懷抱。萬里江南
吹簫恨。恨參差白鴈橫天杪。烟未斂。楚山杳。

邵亨貞

沙德潤任以南相與追和貫酸齋琵琶詞韻
拉余同賦第原韻出入讀之不純也

馬上貂裘裂。料明妃幾番回首。舊家陵闕。畱得胡沙
千年恨。寫入琵琶四列。想歷遍關河風雪。彈動伊涼
哀怨曲。把梨園風韻都消歇。南部樂。向誰說。多情

只記瀟湘瑟。縱而今宮移羽換。此懷難竭。便有傳來
中原譜。終帶穹廬烟月。甚長是未歌先咽。顧曲周郎
今已矣。滿江南誰是知音客。人世事。幾圓缺。

摸魚兒

劉克莊

海棠

甚春來冷烟淒雨。朝朝遲了芳信。驀然做暖晴三日。
又覺萬姝嬌困。霜點鬢。潘令老年年不帶看花分。才
情減盡。悵玉局飛仙。石湖絕筆。孤負這風韻。傾城

色。懊惱佳人薄命。墻頭岑寂誰問。東風日暮無聊賴。
吹得燕支成粉。君細認。花共酒。古來二事天尤吝。年
光去迅。漫綠葉成陰。青苔蒲地。做取異時恨。

陳策

仲宣樓賦

倚危梯。醉春懷古。輕寒纔轉。花信江城望極。多愁思。
前事惱人方寸。湖海興。算合付元龍。舉白澆談。吻憑
高試問。問舊日王郎。依劉有地。何事賦幽憤。沙頭
路。休記家山遠近。賓鴻一去無信。滄波渺渺空歸夢。
門外北風淒緊。烏帽整。便做得功名難綠。星星鬢。敲
吟未穩。又白鷺飛來。垂楊自舞。難與寄離恨。

張翥

春日西湖泛舟

漲西湖。半篙新雨。麴塵波外。風軟蘭舟同上。鴛鴦浦。
天氣嫩寒輕暖。簾半捲。度一縷歌雲。不礙桃花扇。鶯
嬌燕婉。任狂客無腸。王孫有恨。莫放酒杯淺。垂楊
岸。何處紅亭翠館。如今遊興全懶。山容水態依然好。
惟有綺羅雲散。君不見。歌舞地。青蕪蒲目成秋苑。斜

陽又晚。正落絮飛花。將春欲去。目送水天遠。

邵亨貞

吳門客中九日次魏彥文韻

鴈來時晚寒初勁。青燈搖動牕戶。商聲暗起鄰牆樹。觸景亂愁還聚。秋又暮。奈合造淒涼。無處無笳鼓。狂吟醉舞。記蒲帽簪花。分籌藉艸。騎馬忘歸路。懷人遠。有恨憑誰寄語。虛名長是相誤。天涯節序渾非舊。留得蒲城風雨。心萬縷。漫自喜孤高不惹沾泥絮。羈懷倦訴。好分付兒曹。耘耜三徑。早晚賦歸去。

甲辰季秋與夏願貞同在吳門屢有登山之興。久雨不果。重陽日友人羅仲達以節物爲具。同席數人意頗歡適。乙巳九日在九山之東泗水上酒闌散步夕陽依依岡巒在望。興懷往事不能無述。未知明年又在何處駒隙如馳。行樂能幾。所謂難逢開口笑也。

記年時蒲城風雨。姑蘓臺下重九。客樓已辦登臨屐。曾爲好山回首。延佇久。望翠壁嶙峋。閑却題詩手。相逢野叟。強笑折黃花。亂簪烏帽。來與共樽酒。流光

去。肯爲閑人宿留。驚心節序依舊。西風只麼吹蓬鬢。
病骨尚堪馳驟。官渡口。便擬喚扁舟往問江潭柳。明
年健否。縱世故無情。未應遲暮。孤負此時候。

蘭陵王

邵亨貞

春日寄錢塘友人

舊時月。曾照河橋夜別。鞦韆下。花露染衣。倚馬相看
動愁絕。登臨黯望徹。思落吳山萬疊。江村路。春水乍
生。南浦迢迢恨難越。匆匆換時節。怪驛未緘鱗。

平湖入夢情猶切。嗟樂事常在。壯遊都誤。酣
歌迷舞興未歇。耿耿前恨休說。悽咽亂愁結。記詩蒲
花箋。歌喚桃葉。琵琶水面。今誰撥。但碧檻長倚。楚離
空擷。相思難寄。待更把斷柳折。

王彥強以暮春有懷吳中故居之作見示此
公蜀故家因以蜀語次韻答之

錦江綠。長想秦城在目。瞿塘上。春水艤船。十二遙峯
翠如簇。羈懷未易觸。斜日平原散牧。潘郎愛年少宦
游。遮莫吳霜鬢邊撲。名家舊章曲。記雨卧叢花。春

覆慈竹。東來重問烏衣屋。愁濯錦人遠。剪燈牕靜。歸
心偏是夢裡速。更題柱曾卜。悽獨帶移束。正驛路
騶嘶。烟浦帆宿。風度猶能續。儘客館歌舞。故人
醺醖。薛濤箋上。寫恨處。字可掬。

歲晚憶王彥強而作

暮天碧。長是登臨望極。松江上。雲冷鴈稀。立盡斜陽
耿相憶。凭欄起歎息。人隔吳王故國。年華晚。烟水正
淡。難折梅花寄寒驛。東風舊遊歷。記艸暗書簾。苔
滿吟屐。無情征旆。催離席。嗟月墮寒影。夜移清漏。依

稀。曾向夢裡識。恍疑見顏色。空惜鬢毛白。恨莫趁
金鞍。猶誤塵迹。何時弭棹蘓臺側。共漉酒。紗帽放歌
瑤瑟。春來雙燕。定到否。舊巷陌。

多麗

張翥

西湖泛舟夕歸。施成大席上。以晚山青爲起
句各賦一詞

晚山青。一川雲樹冥冥。正參差烟凝紫翠。斜陽画出
南屏。館娃歸吳臺遊鹿。銅仙去漢苑飛螢。懷古情多。

凭高望極。且將樽酒慰漂零。自湖上愛梅仙遠。鶴夢
幾時醒。空留得六橋疎柳。孤嶼危亭。待蘇堤歌聲
散盡。更須攜伎西泠。藕花淡雨涼翡翠。菰蒲軟風弄
晴鈴。澄碧生秋。鬧紅駐景。採菱新唱最堪聽。一片水
天無際。漁火兩三星。多情月。爲人留照。未過前汀。

六州歌頭

邵亨貞

戊申歲一春強半風雨不可出戶者至有兼
旬之久三月九日寒食烟雨中立望隣牆桃花

殆欲零落感人事之不齊歎芳時之易失信
筆紀述斐然成章桓司馬謂樹猶如此人何
以堪今乃信之矣

劉郎老去孤負幾東風。思前度。玄都觀。舊遊踪。怕重
逢。新種桃千樹。花如錦。應笑我容顏改。渾不比向時
紅。我亦無情久矣。繁華夢。過眼成空。縱而今再見。
何似錦城中。往事匆匆。任萍蓬。憶歡娛地。經行處。
秦樓畔。灞橋東。春冉冉。花可可。霧濛濛。水溶溶。幾度
題歌扇。歛醉帽。繞芳叢。時序改。人面隔。鬢霜濃。別

有武陵溪上。秦人仙路猶通。待前村浪暖。鼓楫問漁翁。此典誰同。



